

Iluarsiissut

Siunnersuummi 20. august 2020-meersumi nassuiaatit taarserneqarput (Inatsimmi § 1, nr. 2-mi (§ 5, imm.1, oqaaseqatigiit siullianni) aamma § 1, nr. 14-imi (§ 65, imm. 7) inatsimmi oqaasertat kalaallisui qallunaatuuilu ataqatigiinngitsut paasineqarmat nassuiaatit iluarsartuunneqarput)).

Siunnersuummut oqaaseqaatit

Siunnersuummut nassuiaatit nalinginnaasut

1. Aallaqqaasiut

1.1. Siunnersuutip tunuliaqutaa siunertaalu pingaarneq
Ilinniarnertuunngorniarniit ingerlaavartumik nalilersuivigineqartarnerat siunnersuummik uuminnga saqqummiussinnermut tunuliaqutaavoq. Tamanna pivog
Ilinniarnertuunngorniarniit pillugu Inatsisartut inatsisaat nr. 13, 22. november 2011-meersoq (ilinniarnertuunngorniarniit pillugu inatsit) atuuttoq akuersissutigineqarluni eqqunneqarmalli. Ingerlaavartumik nalilersuisarnermit inatsimmik allannguisoqartariaqarnera paasineqarpoq.

Ilinniarniit, taamalu ilinniartut pitsaanerumik tunngavissinnissaat siunnersuummi pingaarnertut siunertaavoq. Ilinniarnertuunngorniarniit pillugu inatsisip atoruminarnerulernissaa siunertaralugu nalimmassarneqarnissaa kissaatigineqarpoq. Tamanna ilaatigut pissaag ilinniarnertuunngorniarniit pillugu inatsimmi § 20-mi aalajangersakkat allanngortinnerisigut, tassanilu pineqarput ilinniarniit ukiup affaani siullermi suut pinngitsoorani atuartitsissutaassanersut. Ullumikkut ilinniarnertuunngorniarniit ukiuni pingasuni ingerlanneqartartunit sivisunermik sivikinnermilluunniit ingerlanneqarsinnaasunik ilinniarnertuunngorniarniit neqeroorutigineqarsinnaalissapput. Tassuuna ilinniarniit ilinniartunut assigiinngitsunut naleqqussarneqarsinnaalissapput taamaaliornermilu ilinniartut amerlanerit ilinniarnertuunngorniarniit pitsaanerumik ingerlanneqarnissaat qulakkeerneqassallutik.

Taakku saniatigut qinnuteqartarnerup allanngortinnissaa siunertaavoq, qinnuteqartarnermi aqqutissiuusunut qinnuteqartunullu paasiuminaappallaaqaaq. Qinnuteqartut ullumikkut inatsisitigut piimasaqaataasukkut ilaatigullu immikkut akuersissuteqarlutik tiguneqarusunnerlutik imaluunniit misilitsinnikkut tiguneqarusunnerlutik toqqartarpaat. Tamanna siunertamut naapertuuttut inngilaq, tassami qinnuteqartorpasuit takusinnaaneq ajorpaat arlaat imminnut iluarnerunersoq. Tamakku saniatigut ilinniarnertuunngorniarniit tiguisissamut aqqutissiuussinissaq marsip aallaqqaataatinnagu ajornakusoorsinnaasarpog,

tassa qinnuteqartut tamakkerlugit apriiip naggataani takuneqarsinnaalersarmata tiguneqarnissamut misilitsinnerit naammassereersimagaangata.

1.2 Inatsimmik piareersaanermi pingaarnerit

Naalackersuisoqarfik Epinion suleqatigalugu ilinniarnertuunngorniartit piffissami 2013-2017-imi nalilersuivigisimavaat, tassanilu ilinniartut, ilinniartitsisut, atuartitsinermit sammisani siunnersortit aqutsisullu peqataatinneqarsimapput. Naalackersuisoqarfiup tamatuma kingorna atuarfiit tamaasa pulaarpai, taakkunanilu ilinniartunit, ilinniartitsisunit, aqutsisunit atuartitsinermit sammisani siunnersortinit ilinniarnep naleqqussaavigineqaqqinnissaanut sammisassat siunnersuutigineqarsimapput. Siunnersuutit taakku isumaliutissiissutini arlalinni 2017-imit 2022-mut ingerlasussani ineriartortitsinermit suliniutinut tunngavissiisuni ilaatinneqarsimapput. Aamma avataanit suleqatit soorlu Majoriaq aamma Nuna Tamakkerlugu Iitersuisarfik qanimut oqaloqatigineqartarsimapput. Suleqatit taakku taamaammat allannguutissatut siunnersuutinut tunngatillugu peqataatinneqarsimapput.

1.3 Siunnersuutip imarisai ataatsimut isigalugit

Ilinniarnertuunngorniarnep ukiuni pingasuni ingerlanneqartarnissaa inatsisartut inatsisaanni aalajangersimasumik allaqqajunnaarnissaa siunnersuutigineqarsimavoq.

Qinnuteqarnermi periaatsip allanngortinnissaa siunnersuutigineqarsimavoq. Qinnuteqartut inatsisitigut piumasaqaataasukkut imaluunniit immikkut akuersissuteqarlutik tiguneqarusunnerlutik imaluunniit misilitsinnikkut tiguneqarusunnerlutik isummerfigisarunnaassavaat.

Aallaavia tassaavoq soorlu ilinniarnertuunngorniartarneq pillugu inatsimmi atuuttumisut qinnuteqartut ukiut kingulliit marluk iluanni ilinniarnertuunngorniartimmi aallartinnginnerminni meeqqat atuarfiat naammassereersimassagaat imaluunniit meeqqat atuarfiattut ittumi atuartinneqarnerminni naammassinnissimassasut ilinniarnertuunngorniartimmi aallartinnginnerminni qinnuteqartoq 10. klassemi pinngitsoorani naggataarutaasumik misilitsinnerni tunngaviusumik karakterini tamani minnerpaamik E-mik angusisoqarsimappat. Taamaammat 10. klassemi atuartitsissutini tamani Greenlandic Grading System malillugu E angusimasariaqanngillat, 10. klassemi, pinngitsoorani naggataarutaasumik misilitsinnerni tunngaviusumik karakterini tamani minnerpaamik E-mik qinnuteqartut angusisimanissaat piumasaqaataajunnaarpoq.

Taassumalu kingorna siunnersuutigineqarpoq rektori piumasaqaatinik sanioqqutitsinissamut akuersisinnaassasoq, qinnuteqartup misilitsinnerit imaluunniit killiffimmi karakterit ikittunnguit ilaanni E ataassimappagu, rektorillu nalilerpagu qinnuteqartup ataatsimut piginnaasai ilinniarnertuunngorniartarluni ilinniakkap naammassinissaanut naammattut.

Qinnuteqartut inatsisitigut piumasaqaatit immikkulluunniit akuersissuteqarnikkut tiguneqanngitsut misilitsinnissamik neqeroorfigineqassapput. Inissaq pissutigalugu qinnuteqartut ilinniartunngorniartarluni misilitsinnermi angusisut qinnuteqartut

ilinniarnertuunngorniarnerminnik naammassinninnissaminnut periarfissaqassanersut ataatsimut nalilersoreerlugit rektorip aalajangissavaa qinnuteqartut kikkut ilinniartunngortinneqassanersut. Qinnuteqartut ilinniarnertuunngorniarmimi inissaqannginneq pequtaatillugu ilinniartunngortinneqanngitsut, ilinniarnertuunngorniarmimi allami inissaqassusaat aallaavigalugu ilinnialernissaannik utaqqisunulluunniit allatsinnissaminnut neqeroorfigineqassapput.

Ilinniarnermi ukiup affaa tunngaviusumik ilinniarnermik ingerlatsinermik taasarunnaarlugu semesterit siulliattut taaneqartalissasoq siunnersuutigineqarpoq. Tunngaviusumik ilinniarnermik taaguutip taamaammat inatsisartut inatsisaanni tamarmi semesterit siulliattut allanngortillugu taarsernissaa siunnersuutigineqarpoq.

Ilinniarnertuunngorniartarneq pillugu inatsimmi § 11-p § 28-llu allanngortillugit ataatsimoortinnissaat siunnersuutigineqarpoq, tassami aalajangersakkat taakku marluk imminnut qanittumik attuumassuteqarmata. Aalajangersakkami qinnuteqartut ilinniarnertuunngorniarmimi sorlermi ilinniakkamillu sammivimmi sumi tiguneqassanersut pineqarput. Ilinniarnertuunngorniarmimut qinnuteqartut kommunimi angerlarsimaffimmini aallaavittut tiguneqartarput. Qinnuteqartut ilinniakkamut sammivimmik angerlarsimaffittut kommuniminni ilinniarnertuunngorniarmimi neqeroorutaanngippat ilinniarnertuunngorniarmimi allami ilinniakkamik neqerooruteqarfiusumi ilinnialerusuppata tamanna kissaatigippassuk tiguneqassapput. Aammattaaq siunnersuutigineqarpoq, Naalakkersuisut aalajangersaasinnaasut qinnuteqartut illoqarfiit aalajangersimasuneersut, nunaqarfinneersut immikkoortortaqarfiit allaneersulluunniit kommuni alla kommuni angerlarsimaffigisaasutut isigineqarsinnaasoq tigusisarnermut tunngatillugu.

Ilinniarnertuunngorniartarneq pillugu inatsimmi § 16-imut siunnersuutigineqarpoq ilinniarnertuunngorniarluni ukiuni pingasuni ilinniarneq ilinniakkap sammivia immikkullu toqqakkat apeqqutaallutik akunnerit 2225-t 2725-llu akornanni ingerlanneqartartoq erseqqissaatigineqassasoq. Aamma allaqqassaaq ukiuni marluni ilinniarnermi atuartitsinerni akunnerit katillugit qassiussanersut. Tamanna § 1, imm. 1-imi allannguutissat siunnersuutigineqartumut ataneqartillugu isigineqassaaq, tassanimi siunnersuutigineqarmat ilinniarnertuunngorniarneq ukiuni pingasuni ingerlanneqartarnissaa allaqqajunnaassasoq. Ilinniarnertuunngorniarnep tunngaviusumik suli ukiuni pingasuni ingerlassinnaanissaa aallaaviussaaq, ilinniarneri sivilisinerit sivikinnerilluunniit neqeroorutigineqarsinnaaneri periarfissaanerussapput. Taamaammat aalajangersakkamik ilanngussisoqarnissaa siunnersuutigineqarpoq, tassani allaqqassalluni imm. 2-mi aalajangersakkanik taaneqartunik sivilisussaanik allaanernik Naalakkersuisut akunnerit amerlassusissaannik aalajangersaasinnaasut.

Ilinniarnertuunngorniartarneq pillugu inatsimmi § 19-ip atorunnaarsinneqarnissaa siunnersuutigineqarpoq. Tassani allaqqavoq tunngaviusumik ilinniarnermi atuartitsinernit akunnerit qassiussanersut. Taakku saniatigut siunnersuutigineqarpoq § 20, imm. 2

allanngortinneqassasoq, taamaalilluni tassuuna takuneqarsinnaalerluni semesterimi siullermi pinngitsoorani atuartitsiviusussat suussanersut Naalakkersuisunit aalajangerneqarsinnaanerat.

§ 23-p atorunnaarnissaa siunnersuutaavoq. Tassani allaqqavoq ilinniakkatigut sammivimmik ingerlatsineq 1800-2300 tiiminut naatsorsuussaasoq, ilinniartup ilinniakkatigut sammivimmik ilinniartitsissutinillu toqqagassanik toqqaanera apeqqutaatillugu.

Naggataagut siunnersuutigineqarpoq § 65 ilinniartitsisunut siunnersuisoqatigiinnut tunngasoq allanngortinneqassasoq. Ilinniartitsisunik siunnersuisoqatigiinnik pilersitsisoqarnissaa siunnersuutigineqarpoq, tassani inuttaassallutik rektori, immikkoortuni pisortaqarsimapput taakku kiisalu ilinniartitsisut ilinniarnertuunngorniarmimmi atuartitsisartut imaluunniit atuartitsinermut ilinniartitsinermulluunniit arlaatigut attuumassuteqartut. Taakku saniatigut ilinniartitsisunut siunnersuisoqatigiit rektorimut siunnersuisartuussasut ilinniartitsisunullu siunnersuisoqatigiit ukiumut ikinnerpaamik sisamariarlutik ataatsimiittassasut siunnersuutigineqarpoq. Ilinniartitsisunut siunnersuisoqatigiit suleriaasissartik namminneq aalajangertassavaat, inaarutaasumilli suleriaasissaq rektorimit akuerineqartassaaq. Aamma siunnersuutigineqarpoq ilinniartitsisunut siunnersuisoqatigiit ukiut tamaasa apriliimi siulittaasussaminnik qinersisassasut kiisalu rektorip ilinniartitsisunullu siunnersuisoqatigiit siulittaasuata aalajangertassagaat apeqqutit suut ilinniartitsisunut siunnersuisoqatigiinnut saqqummiunneqartassanersut.

2. Siunnersuummi immikkoortut pingaarnertit

2.1 Inatsisit atuuttut

Ilinniarnertuunngorniartarneq pillugu Inatsisartut inatsisaat nr. 13, 22. november 2011-meersoq, Ilinniarnertuunngorniartarneq pillugu Inatsisartut inatsisaata allanngortinnera pillugu Inatsisartut inatsisaat nr. 4, 30. maj 2014-meersoq aamma Inatsisartut inatsisaat nr. 31, 9. december 2015-meersoq aqutugalugu allanngortinneqartoq tunngavigalugu Ilinniarnertuunngorniartarneq ingerlanneqarnerat inatsisitigut tunngaveqarput.

Taakku saniatigut Inatsisartut inatsisaat tunngavigalugu allaffissornikkut malitassanik arlalinnik aalajangersaasoqarsimalluni. Allanguutissatut siunnersuummut uunga tunngavissatut taaneqarsinnaasut tassaapput Ilinniarnertuunngorniartunuk ilinniartunngortitsisarneq pillugu Namminersorlutik Oqartussat nalunaarutaat nr. 3, 31. januar 2013-meersoq kiisalu kaajallaasitaq nr. 13/92 Kalaallit Nunaanni ilinniarnertuunngorniartarneq pillugu ilinniartitsisunut siunnersuisoqatigiit, ilinniartunut siunnersuisoqatigiit ataatsimullu ataatsimiititalianut tunngasoq.

Ilinniarnerup siviussusaa

Ilinniarnertuunngorniartarneq pillugu inatsimmi § 1, imm. 1-imi allaqqavoq Ilinniarneq ukiunik 3-nik siviussuseqartoq, taamaattoq tak. §§ 40-42. Tamanna aalajangersarneqarpoq, tassa ilinniaqqinnissamut piareersarluni ilinniarnerit qallunaat inatsisaat malillugu neqeroorutigittinneqartarsimasoq ilinniarnertuunngorniartarneq pillugu inatsisip 2012-ip atuutlernissaata tungaanut ukiuni pingasuni ingerlanneqartarsimalluni.

§§ 40-42-mi sammineqarput immikkut aaqqissuussamik ilinniarneq, tassa ilinniarnep ingerlaneranut ilinniartunut ilinniakkap ilaanut piginnaasaasa akuerinerisigut ilinniarsinnaasunut, ilinniartunut atuagarsornikkut immikkut ikiortariaqartunut aamma ilinniartunut nappaatilinnut, innarluutilinnut il.il. sammitinneqartut.

Qinnuteqarnermi periaaseq

Qinnuteqartut ilinnialertussanik tigusinissamut nalunaarummi § 4, imm. 2 naapertorlugu ilinniarnertuunngorniartarneq pillugu inatsimmi tak. § 8, imm. 1 naapertorlugu inatsisitigut piumasaqaat atorlugu ilinnialernissamut tigusaarusunnerlutik, ilinniarnertuunngorniartarneq pillugu inatsimmi § 8, imm. 2 naapertorlugu immikkut akuerineqarlutik ilinnialernissamut tigusaarusunnerlutik imaluunniit ilinniarnertuunngorniartarfik pillugu inatsimmi § 9 naapertorlugu misilitsillutik ilinnialernissamut tigusaarusunnerlutik.

Qinnuteqartoq § 8, imm. 1 naapertorlugu inatsisitigut piumasaqaat atorlugu piumasaqaatinik naammassinninngippat rektori § 8, imm. 2 naapertorlugu piumasaqaatinik sanioqqutitsinissamut akuersisinnaavoq, qinnuteqartup misilitsinnerit imaluunniit killiffimmi karakterit ikittunnguit ilaanni E ataassimappagu, rektorillu nalilerpagu qinnuteqartup ataatsimut pisinnaasai ilinniarnertuunngorniarluni ilinniakkap naammassinnaanut naammattut. Qinnuteqartut § 8, imm. 1 imaluunniit 2 naapertorlugu tigusaanngitsut itigartitsissummik nassinneqassapput.

Qinnuteqartut qinnuteqaamminnik nassiussinermi misilitsinnissamut krydsiliisimasut ilinniarnertuunngorniartarneq pillugu inatsimmi § 9 naapertorlugu misilitsinnissamut neqeroorfigineqassapput. Aalajangersakkami aamma allaqqavoq inissaq pissutigalugu qinnuteqartut ilinniartunngorniarluni misilitsinnermi angusisut imaluunniit § 8, imm. 2 naapertorlugu immikkut akuersinikkut ilinniartunngortikkumasat tamarmik ilinniartunngortinnissaat ajornarpat, rektorip aalajangissagaa qinnuteqartut kikkut ilinniartunngortinneqassanersut aamma rektorip taamatut aalajangiinermi qinnuteqartup ilinniarnertuunngorniarnarluni ilinniakkamik naammassinninnissamut periarfissai ataatsimoortumik nalilersussagai.

Tunnngaviusumik ilinniagaq

Ukiuni pingasuni ilinniarnep ilinniarnertuunngorniartarneq pillugu inatsit naapertorlugu aaqqissuunneqartarpoq tunnngaviusumik ilinniarnermik semesterit siullianni ilinniartunullu tamanut atuulluni kiisalu ilinniarnep sammiviani, ilinniartut ataasiakkaat toqqartagaat semesterini 2-miit 6-imut ingerlanneqartartumi.

Ilinniarnertuunngorniartarneq pillugu inatsimmi §§ 18-21 tunnngaviusumik ilinniarnep malittarisassiuunneqarpoq. Tunnngaviusumik ilinniakkap ilinniartut ilinniagassanut tunnngatillugu ilisimasaqalersissagai aalajangiunneqarpoq paasisaqartillugillu aamma ilinniarnertuunngorniartarfimmi suleriaatsinik paasisaqartillugit, ilinniartorlu ilinniakkami

sammivissaanik toqqaanissaanut naammassinninnissaanullu tunngavississallugu, kiisalu ilinniartup nalinginnaasumik peroriartornissaanut tunngaviussalluni. Aamma aalajangiunneqarpoq tunngaviusumik ilinniarnermi atuartitsinermi akunnerit 425-ussasut, atuartitsissutit pinngitsooratik ingerlanneqartussat sorliussanersut kiisalu ilinniartitsissutit ataasiakkaani anguniakkat, imaat qaffasissutsinilu assigiinngitsuni (ilinniarnermut pilersaarutini) malittarisassat Naalackersuisunit malittarisassiuunneqarsinnaasut.

Ilinniarnertuunngorniartarfinni ilinniakkallu sammiviini sorlerni qinnuteqartut tiguneqassanersoq

Ilinniarnertuunngorniartarfinni pillugu § 11-mi ilinniartut sumi ilinniarnertuunngorniartarfinni ilinniartussatut tiguneqassanersut aalajangersarneqarput. Qinnuteqartut ilinniarnertuunngorniartarfinni kommunimi qinnuteqarnermik nalaani aalajangersimasumik najugaqarfigisaminniittumi (kommuni angerlarsimaffik) ilinniartunngussasut aallaaviuvoq. Taamaattoq imm. 2-mi allaqqavoq teknik imaluunniit niuernerq aallaavigalugit ilinniarnertuunngorniartarfinni neqerooruteqartunut ilinniartunngortinneqassasut tamakkununga ilinniartunngorumallutik qinnuteqarsimasut. Tamanna aalajangiunneqarpoq tassa Sisimiuni Qaqortumilu GUX siornatigut inuutissarsiutinut ilinniarnertuunngorniartarnerit neqeroorutaasarsimmata niuernermit teknikimullu sammiveqartunik ilinniarnertuunngorniartarnerit nalinginnaasut pillugit inatsisartut inatsisaanni 2012-imi akuersissutigineqarnissaasa tungaanut. Taamaalilluni qinnuteqartut kommuninit allaneersut ilinniakkanut sammivinnut taakkuninnga sulit toqqaasinnaassapput.

Naalackersuisut aalajangersinnaavaat qinnuteqartoq ilinniarnertuunngorniartarfinni imm. 1-imi aamma 2-mi pineqartuunngitsumi ilinniarnertuunngorniartarfinni aallartissinnaasooq, inissaqarnikkut imaluunniit suliamut atatillugu inuttulluunniit pissutsit immikkut ittut tamanna pisariaqartilerpassuk.

Naggataagut aalajangersakkami takuneqarsinnaavoq Naalackersuisut, aalajangersimasumik sammiveqarluni ilinniarnertuunngorniartarfinni, qinnuteqartut ilinniartunngortissinnaanerannut malittarisassanik aalajangersagaliornissamut periarfissinneqartut.

Taakku saniatigut ilinniarnertuunngorniartarfinni pillugu inatsimmi § 28-mi aalajangersarneqarpoq qinnuteqartut ilinniarnertuunngorniartarfinni sorlerni tiguneqarsinnaanersut. § 28, imm. 1 aamma 2-mi allaqqavoq ilinniartoq ilinniakkamik sammivimmik ilinniarnertuunngorniartarfinnilu sumi aallartinnissaminut siullertut kissaatini ilinniakkamik sammivimmi toqqaanermi allasagai kiisalu ilinniartoq kissaatimini siullermi ilinniakkamik sammivimmut ilinniarnertuunngorniartarfinnillu kissaatiginerusamini ilinniartutut tiguneqassasooq, taamaattoq takuuk imm. 3-6.

Taakku kingorna imm. 3-6-ip malitsigaa ilinniakkamik sammivik kommunimi najukkami ilinniarnertuunngorniartarfinni atuartitsissutaappat ilinniartoq tassani ilinniartutut

tiguneqassaaq. Ilinniakkamik sammivik ilinniarnertuunngorniarfimmi kommunitut najukkami allami atuartitsissutaappat ilinniartulli ilinniarnertuunngorniarfimmi aallartinnissaminut tiguneqarfiani atuartitsissutaanani ilinniartoq allami ilinniarnertuunngorniarfimmi aallartittussatut tiguneqassaaq. Ilinniakkamik sammivik ilinniarnertuunngorniarfimmi kommunimi allami taamaallaat atuartitsissutaappat ilinniartoq tassani ilinniartussatut tiguneqassaaq, imm. 6 malillugu inissaqartitsisoqarpat. Qinnuteqartut ilinniartunngortinneqanngitsut pingaarnerniit tulleriiarinerminni tulliutsitartik naapertorlugu ilinniartunngortinneqassapput, malittarisassat maani nalunaarsorneqartut naapertorlugit.

Ilinniartitsisunut siunnersuisoqatigiit

Ilinniarnertuunngorniarfinni ataasiakkaani tamani ilinniartitsisut siunnersuisoqartoqatigiiliussasut ilinniarnertuunngorniarneq pillugu inatsimmi § 65-imi allaqqavoq, taakkualu rektorimut atuartitsissutissanut, ilinniartitsilluni atuartitsinernut ingerlatsinikkullu pissutsit pillugit siunnersuisartuupput. Ingerlaqqilluni aamma allaqqavoq ilinniartitsisut aalajangersagaat atuarfimmi ilinniartitsisut tamarmik siunnersuisoqatigiinni ilaassanersut imaluunniit ilinniartitsisunut sinniisuutitaassanersut. Ilinniartut siunnersuisartoqatigiivisa peqataatitaat ilinniartitsisut siunnersuisartoqatigiivisa ataatsimiinnerini malinnaasutut aamma peqataasinnaavoq.

Ilinniartitsisunut siunnersuisoqatigiit namminneq oqaluuserisassatik aalajangertassavaat, tassa inissitsiternernut, ataatsimiigiaqqusinernut, taasinermut malittarisassanik il.il. malittarisassat namminneq suliarisassavaat.

Aamma aalajangersakkami allaqqavoq ilinniartitsisup ilinniartitsisunut siunnersuisoqatigiinni sulinermut peqataanera ilinniartitsisup atuartitsinermut piffissamik atuineratut isigineqassasoq. Sulineq ima aaqquissuuneqassaaq, ilinniartitsisoq sapinngisamik annertunerpaamik ilinniartitsinermik pilersaarusiorkkamik ingerlatsinnaatillugu. Naggataagut allaqqavoq Naalakkersuisut ilinniartitsisut siunnersuisartoqatigiivi pillugit malittarisassanik erseqqinnerusunik aalajangersaassasut, tamatumunnga ilanngullugit ilinniartitsisut siunnersuisartoqatigiivinut qinersisarneq, siunnersuisartoqatigiit sulinerat piffissarlu atuuffiat. Kalaallit Nunaanni ilinniarnertuunngorniarfinni ilinniartitsisunut siunnersuisoqatigiit, ilinniartunut siunnersuisoqatigiit kiisalu ataatsimut ataatsimiititaliat pillugit Kaaviiartitaq nr. 13/92 Naalakkersuisut aalajangersarpaat.

2.2 Siunnersuut

Ilinniarnernerup sivilissusaa

Ilinniarnernerup sivilissusaa ukiunik pingasuni ingerlanneqassasoq pillugu aalajangersagaq inatsisartut inatsisaanni ilaajunnaassasoq siunnersuutigineqarpoq. Ukiuni marlunni ilinniarnissat misiliutigalugit neqeroorutaapput. Ilaatigut ukiuni marlunni ilinniagaq neqeroorutaavoq, pingaarnertut inersimasunut sammitinneqartoq kiisalu ilinniagaq ukiuni marlunni ingerlatassaq ungasianiit ilinniartitsinertut ingerlanneqartussaq. Ukiuni marlunni ilinniartit taakku marluk assigiissutigaat ilinniartunut taassuma kingorna naatsumik

akunnattumilluunniit sivilissusilimmik ingerlariaqqiffiusumik ilinniartinnut ilinniarnartunut sammitinneqarmata.

Taakku saniatigut ilinniarnermik ukiuni sisamani ingerlanneqartussa qeqeroorutaavoq, taannalu unammisartunut timersortartunut sammitinneqarluni.

Ilinniartit ukiuni pingasuni ingerlanneqartussaannigitsut taamaalillutik ingerlannissaannut immikkut aqqissuuttariaqanngillat assersuutigalugu innarluutilinnut qinnuteqartunulluunniit ilinniarnertup ilaanut piginnaasanik akuerineqarluni ingerlannissaannut sammitinneqartunut. Taamaattumik siunertamut naapertuuttut isigineqarpoq ilinniarnertuunngorniartarneq ukiuni qassini ingerlanneqartarnissaa inatsisartut inatsisaanni immikkut allaqqajunnaarpat. Aallaaviatigut ukiuni pingasuni ingerlanneqartassa q, taamaattoq ilinniarnertuunngorniartarnerit allatut sivilissusillit neqeroorutaasalernissaat kissaatigineqarpoq.

Qinnuteqarnermi periaaseq

Qinnuteqartarnerup pisariillisarnissaa siunnersuutigineqarpoq. Qinnuteqartut tamarmik qinnuteqartut § 8, imm. 1 naapertorlugu ilinnialernissamut tiguneqarnissaminnut inatsisitigut piunasaqaataasunik naammassinninersut misissorneqassapput. Nutaatulli 10. klassemi atuartitsissutini tamani E angusimasariaqanngillat, 10. klassemi, taamaallaat 10. klassemi naggataarutaasumik misilitsinnerni tunngaviusumik karakterini tamani. Tassunga tunuliaqutaasoq tassaavoq angusat pillugit karakterit periaatsimi atorneqarsimannigimmata, tassa angusat pillugit karakterit meeqqat atuarfiannit soraarummeernermit ilaannigitsut pissarsiariniarnissaat ajornarsimammat.

Inatsisitigut piunasaqaatit qinnuteqartup naammassinngippagit rektorip nalilersussavaa qinnuteqartup ataatsimut pisinnaasai ilinniarnertuunngorniartarluni ilinniakkap naammassinissaanut naammannersut. Qinnuteqarneq taamaalilluni immikkut akuerineqarnissamut tunngatillugu ingerlaannaq nalilerneqassaaq.

Qinnuteqartoq § 8, imm. 2 naapertorlugu immikkut akuerineqarluni ilinnialernissaminut tiguneqarsinnaanngitsoq rektorip nalilerpago qinnuteqartoq siunnersuummi § 9, imm. 1 naapertorlugu tiguneqarnissamut misilitsinnissamut neqeroorfigineqassaaq. Ilinniarnertuunngorniartit ataasiakkaat misilitsinnermi angusisunut tamanut inissaqartitsigunik ilinniartussatut tigussavaat. Taakkununga inissaqartitsisoqanngippat kikkut tiguneqassanersut rektorip nalilersussavai. Tiguneqarnissaminnut militsinnermi angusisut sinneri inissaqassuseq apeqqutaatillugu ilinniarnertuunngorniartarfinni allami ilinnialernissaannik utaqqisunulluunniit allatsinnissaminnut neqeroorfigineqassapput.

Taamatut allannguinnermi qinnuteqartut utaqqisunut kukkusunut inissinneqarnissaminnut aarlerinaateqarlutik sumi tiguneqarnissaminnik periarfissagissaarnerussanerlutik namminneq nalilersortarunnaassavaat.

Tungaviusumik ilinniagaq

Ilinniarnermi semesterit siulliat tungaviusumik ilinniarnermik ingerlatsinertut taaneqartarunnaarnissaa siunnersuutaavoq, taartaanillu semesterit siulliannik taaneqartarnissaa siunnersuutaalluni. Taamaammat inatsisartut inatsisaanni tamarmi tungaviusumik ingerlatsineq semesterit siulliannik allangortinneqassaaq.

Semesterimi siullermi imai annertigut assigiinnassavai, tassami taassuminnga ingerlatsinermi paasiniaaffiusussaammat ilinnialeqqinnissamut sumut sammiveqarnissami atuakkatigut piginnaasat assigiingitsut suliamut tunngatillugu paasinnittoqassalluni, taamaattoq tassunga tunngasunik eqaannerusumik malittarisassiorqarnissaa siunnersuutigineqarpoq, taamaaliornermilu allanik ilaartuiniarnermi nalunaarusiornikkut aalajangersaasoqassalluni.

Taamaalilluni semesterimi siullermi pinngitsoorani ilinniartitsiviusussat Inatsisartut inatsisaanni allaqqajunnaassaaq, tamannali nalunaarummi nutaami takuneqarsinnaassalluni. Ilinniakkamik nalilersuineri semesterimi siullermi akunnerit ilinniartitsiviusut amerlavallaartutut nalilerneqarput, eqaannerusumillu malittarisassiornermi ilinniarnertuunngorniartit periarfissinneqassapput semesterimi siullermi akunnerit atuartitsiviusut nalimmassarnissaannut.

Ilinniarnertuunngorniartit ilinniakkallu sammiviini sorlarni qinnuteqartut tiguneqassanersoq

Ilinniarnertuunngorniartarneq pillugu inatsimmi atuuttumi § 11 aamma § 28-p aalajangersakkamut ataatsimut ataatsimoortinnissaat siunnersuutigineqarpoq, tassami aalajangersakkat taakku neqerooruteqarnermut inissanillu aqutsinernut tamarmik tunngammata. Taamaaliornermi aalajangersakkamik ataatsimi aalajangersaagaanni pisariillisaanerussaaq.

§ 11-mi siunnersuutigineqartumi allaqqavoq qinnuteqartut ilinniarnertuunngorniartit sorlarni tiguneqarusunnerlutik kissaatitik pingaarnersiorlugit tulleriissillugit allassagaat. Ilinniarnissamut normup aalajangerpaa ilinniarnertuunngorniartit sorlarni ilinniakkamillu sumik sammiveqarnissaanik qinnuteqarnerit.

Siunnersuut malillugu aallaavik tassaavoq qinnuteqartut qinnuteqarnermi nalaani aalajangersimasumik najukkaminni (kommunimi angerlarsimaffiminni) ilinniarnertuunngorniartit tiguneqassapput imaluunniit ilinniakkatigut sammivimmi kommunip angerlarsimaffiup neqeroorutaaniingippat ilinniarnertuunngorniartit allami, taamaattoq tak. imm. 3-5. Taamaaliornermi oqaasertaanni tamanut tunngasutut nipeqartinneqarpoq, tassa ilinniarnerni sammivinnut tamanut najukkami neqeroorutaanngitsunut aalajangersagaq tunngatinneqarluni. Tassa ilinniagaq pineqartoq niuernermut teknikimulluunniit sammineqarnera inatsisartut inatsisaanni atuuttumi taama allaqqaneratut aalajangiisuutigineqanngilaq. Aalajangiisuusorli tassaavoq ilinniakkamik sammivik najukkami kommunimi ilinniarnertuunngorniartit neqeroorutaannginnera.

Ilinniarnermik sammivik kommunimi najukkami neqeroorutaappat qinnuteqartoq tassani tigusaassaaq, ilinniarnermillu sammivik najukkami kommunimi ilinniarnertuunngorniarfimmiinngippat qinnuteqartoq ilinniarnertuunngorniarfimmi ilinniakkamik sammivimmik neqerooruteqartumi tigineqassaaq. § 28 taamaalilluni aalajangersakkami uani ilanngunneqarpoq, taamaalilluni ilinniarnertuunngorniarfimmu sorlermut ilinniakkamullu sammivimmu sorlermut ilinnialerusunnerluni pingaarnersuinerit Inatsisartut inatsisaanni immikkoortuni assigiinngitsuni marlunni allaqqajunnaassalluni.

Aamma aalajangersakkami allaqqavoq Naalakkersuisut aalajangersinnaagaat qinnuteqartoq ilinniarnertuunngorniarfimmi imm. 2-mi aamma 3-mi pineqartuunngitsumi ilinniarnertuunngorniarfimmu aallartissinnaasoq, inissaqarnikkut imaluunniit suliamut atatillugu inuttulluunniit pissutsit immikkut ittut tamanna pisariaqartilerpassuk. Tamanna inatsimmik atuutereersumik ingerlatitseqqinneruvoq, imm. 5-imilu siunnersuutigineqartumi aamma taamaalluni. Immikkoortumi tassani allaqqavoq ilinniarnertuunngorniarfimmi aalajangersimasumi ilinniakkatut sammivimmu aalajangersimasumut ilinniarfiup inissaqartitaaniit amerlanerulaartunik qinnuteqartoqarpat, Naalakkersuisut killilimmik amerlanerusunik ilinniartunngortitsisinnaaneq akuersissutigisinnaassagaat. Ilinniarnertuunngorniarfimmi aalajangersimasumi ilinniakkatut sammivimmu aalajangersimasumut ilinniarfiup inissaqartitaanit amerlaneroqisunik qinnuteqartoqarpat, rektorip qinnuteqartut pisinnaasaannik ilinnialerumallutillu pissutigisaannik ataatsimoortumik nalileereernermigut aalajangissavaa, qinnuteqartut kikkut ilinniartunngortinneqassanersut. Qinnuteqartut ilinniartunngortinneqanngitsut pingaarnerniit tulleriiarinerminni tulluutsitartik naapertorlugu ilinniartunngortinneqassapput, malittarisassat maani nalunaarsorneqartut naapertorlugit.

Taakku saniatigut aalajangersakkami aalajangersarneqarpoq qinnuteqartut illoqarfinnit, nunaqarfinnit imaluunniit sumiiffinnit aalajangersimasumik killilernerqarsimasuneersut ilinniarfennit tiguneqarnissaat eqqarsaatigalugu kommunimi allami angerlarsimaffeqartutut isigineqarsinnaanerit pillugit Naalakkersuisut malittarisassiorsinnaasut. Tamanna siunertamut tulluuttuusinnaavoq ilaatigut inissaqartitsiniarnermut tunngasut peqqutigalugit.

Ilinniartitsisunut siunnersuisoqatigiit

Siunnersuut malillugu ilinniartitsisunut siunnersuisoqatigiinnik rektorimut siunnersuisartussanik sulii pilersitsisoqarnissaa siunnersuutaavoq. Ilinniartitsisunut siunnersuisoqatigiit tassaassapput rektori, immikkoortortami aqutsisuujuunartut ilinniartitsisullu ilinniarnertuunngorniarfimmi atuartitsisartut tamarmik, aammali ilinniartitsisut atuartitsisannngitsut, taamaattoq atuartitsinermut ilinniartitsinermulluunniit arlaatigut attuumassuteqartut. Tassunga inatsimmi atuuttumi aalajangersakkami allaqqavoq ilinniartitsisut aalajangissagaat ilinniartitsisut tamarmik imaluunniit ilinniartitsisunut sinniisuutitanik ilaatigullu rektori siunnersuisoqatigiinni ilaasortaassasut.

§ 2-mi ilinniarnertuunngorniarfinni ilinniartitsisunut siunnersuisoqatigiit, ilinniartunut siunnersuisoqatigiit kiisalu ataatsimut ataatsimiititaliat pillugit Kaaviiartitaq nr. 13/92-imi

allaqqavoq ilinniartitsisunut siunnersuisoqatigiit tassaassasut rektori ilinniartitsisullu atuarfimmittut tamarmik. Tamanna rektorinit suli kissaatigineqarpoq, taamaammallu siunnersuutigineqarpoq tamanna uterfigineqassasoq, taamaalilluni tassunga kaaviiartitami aalajangersakkat tassunga tunngasut ingerlaqqiinnarlutik.

Ilinniartunut siunnersuisoqatigiinnit kissaatigineqarpat ilinniartunut siunnersuisoqatigiinnit aallartitaq alaatsinaattutut suli peqataatitsisoqarsinnaassaaq.

Pissutsit soorpiaanersut siunnersuisutiginartassanersut allaqqasarunnaarnissaat siunnersuutigineqarpoq. Siunnersuinermi suulluunniit sammineqarsinnaapput, matumani suliambut atuartitsissutinut tunngasut, ilinniartitsinernut allaffissornernullu tunngasut, aalajangersakkami allaqqannginneri apeqqutaatinnagit. Taamaattoq aalajangersakkami imm. 1-imi aalajangersarneqarpoq siunnersuisoqatigiinni peqataasut atuartitsisartuussasut atuartitsinermulluunniit ilinniartitsinermulluunniit arlaatigut attuumassuteqartut, taamaalilluni oqaluuserisassanik attuumassuteqartunik aalajangersaasinnaallutik.

Taakku saniatigut ukiumut ikinnerpaamik sisamariarluni ataatsimiittoqartassasoq siunnersuutigineqarpoq, taamaattoq ilinniartitsisunut siunnersuisoqatigiit suleriaasissartik namminneq aalajangertassagaat. Rektori ilinniartitsisunut siunnersuisoqatigiinnut ilaavoq, taamaattumillu suleriaatsimik aalajangeeqataasusarluni. Taamaattoq siunnersuutigineqarpoq suleriaatsimik inaarutaasumik rektori akuersisartuussasoq.

Aamma siunnersuutigineqarpoq ilinniartitsisunut siunnersuisoqatigiinni apeqqutit sorliit qaqineqassanersut rektorip ilinniartitsisunullu siunnersuisoqatigiinni siulittaasup aalajangertassagaat. Taamaaliornikkut ataatsimiinnerni suut oqaluuserineqarnissaannut aalajangiiniarnerni ilinniartitsisut rektorillu soqutigisaat tamarmik isiginiarneqassapput. Tamanna aalajangersakkap imm. 6-imut ataneqartillugu isigineqassaaq, tassanilu allaqqavoq ilinniartitsisunut siunnersuisoqatigiinni sulineq ilinniartitsisumut atuartitsinertut piffissamik atuineratut isigineqassasoq, sulinerlu ima aaqquissuunneqassasoq, atuartitsinissamut skemat aalajangiutereersimasat malillugit sularisinnaanissaannik ilinniartitsisunut siunnersuisoqatigiit ataatsimeeqataasassasut. Ilinniartitsisut tamaasa ataatsimoortinniartarnerat nukissanik tiguisarpoq, taamaammat siunertamut naapertuutissaaq ataatsimiinnerni suut oqaluuserinissaannut rektori aalajangeeqataasinnaappat kiisalu oqaluuserisassat qanoq annertutigissanersut aamma ilanngullugit eqqarsaatigalugit.

Aamma aalajangersarneqarpoq ilinniartitsisunut siunnersuisoqatigiit siulittaasussaminnik namminneq aprilimi qinersisassasut. Qaqugukkut qinersisoqartarnissaanik aalajangiinermi qularnaarniarneqarpoq ilinniartitsisoq ukiumi atuartitsiviusumi iluitsungajammi, tassa ukiumi atuartitsiviusup aallartitsinnerani aallartissimasumit, ataatsimiigiaqqusisoqarsinnaanissaa. Aamma ilinniartitsisut amerlanerit piffissami tassani aalajangereersimassapput ukiumi atuarfiusumi tullermi ilinniarnertuunngorniarfimmi ingerlaannassanerlutik.

| Siunnersuut inatsimmut atuuttumut sanilliullugu | |
|--|---|
| <i>Oqaasertaliineq atuuttoq</i> | <i>Siunnersuut</i> |
| | § 1 Ilinniarnertuunngorniartarnek pillugu Inatsisartut inatsisaanni nr. 13, 22. november 2011-meersumi Inatsisartut inatsisaat nr. 31, 9. december 2015-imeersoq aqutugalugit allanngortinneqartuni uku allanngortinneqarput: |
| <p>§ 1. Ilinniarnertuunngorniartarluni ilinniagaq tassaavoq ilinniagaqalernissamut piareersaataasumik aamma nalinginnaasumik peroriartuutaasumik ilinniagaq. Ilinniarneq ukiunik 3-nik sivisussuseqarpoq, taamaattoq tak. §§ 40-42. Ilinniagaq saaffiginnippoq inunnut ilisimasaqarnermik, itisilerinermik, ungavarluni isiginneriaaseqarnermik takorluuisinnaanermillu soqutigisaqartunut, annermillu annertusisamik ilinniagaqarnissaq siunertaralugu. Ilinniagaq ataasiuvoq nunamilu piumasaqaataasut malillugit soraarummeernermik inaarneqassalluni (ilinniarnertuutut soraarummeerneq).</p> | <p>1. § 1, imm. 1-imi, oqaaseqatigiit aappaat atorunnaarsippaa.</p> |
| <p>§ 5. Naalackersuisut ilinniarnertuunngorniarnermut ilinniartunullu inissiaqarnikkut inissat ima amerlatigisut qularnaassavaat, qinnuteqartut § 8, imm. 1 naapertorlugu ilinniartunngornissamut piumasaqaatinik piviusunngortitsisut tamarmik ilinniartunngorsinnaatillugit. Aammattaaq Naalackersuisut anguniassavaat ilinniarnertuunngorniartarfiit ilinniartunullu inissiat ima amerlatiginissaat, qinnuteqartut ilinniartunngorniartarluni misilitsinnermi angusisut tamarmik, tak. § 9, imm. 1, aamma qinnuteqartut immikkut akuerisaallutik ilinniartunngortinneqarumasut, tak. § 8,</p> | <p>2. § 5, imm. 1, ima oqaasertaqarpoq: " Naalackersuisut ilinniarnertuunngorniarnermut ilinniartunullu inissiaqarnikkut inissat ima amerlatigisut qularnaassavaat, qinnuteqartut § 8, imm. 1 aamma 2 naapertorlugit ilinniartunngornissamut piumasaqaatinik eqquutsitsisut tamarmik ilinniartunngorsinnaatillugillu ilinniakkaminnik naammassinnissinnaatillugit. Aammattaaq Naalackersuisut anguniassavaat ilinniarnertuunngorniartarfiit ilinniartunullu inissiat ima amerlatiginissaat, qinnuteqartut ilinniartunngorniartarluni misilitsinnermi angusisut tamarmik, tak. § 9, imm. 1,</p> |

| | |
|---|---|
| <p>imm. 2, ilinniartunngortinneqarsinnaallutik ilinniarnertuunngorniarlunilu ilinniagaq naammassisinnaallugu.</p> | <p>aamma qinnuteqartut immikkut akuerisaallutik ilinniartunngortinneqarumasut, ilinniartunngortinneqarsinnaallutik ilinniarnertuunngorniarlunilu ilinniagaq naammassisinnaallugu.”</p> |
| <p>3) Greenlandic Grading System-skala naapertorlugu 10. klassimi killiffimmi karakterini tamani E anguneqarsimappat.</p> | <p>3. § 8, imm. 1, nr. 3, imatut oqaasertalerneqarpoq: "3) Greenlandic Grading System-skala naapertorlugu 10. klassimi killiffimmi karakterini tamani minnerpaamik E anguneqarsimappat."</p> |
| <p><i>Imm. 2.</i> Rektori imm. 1, nr. 2 aamma 3-mi piunasaqaatinik sanioqqutitsinissamut akuersisinnaavoq, qinnuteqartup misilitsinnerit imaluunniit killiffimmi karakterit ikittunnguit ilaanni E ataassimappagu, rektorillu nalilerpagu qinnuteqartup ataatsimut pisinnaasai ilinniarnertuunngorniarluni ilinniakkap naammassinissaanut naammattut.</p> | <p>4. § 8, imm. 2, imatut oqaasertalerneqarpoq: " <i>Imm. 2.</i> Rektori imm. 1-imi piunasaqaatinik sanioqqutitsinissamut akuersisinnaavoq, qinnuteqartup misilitsinnerit imaluunniit killiffimmi karakterit ikittunnguit ilaanni E ataassimappagu, rektorillu nalilerpagu qinnuteqartup ataatsimut pisinnaasai ilinniarnertuunngorniarluni ilinniakkap naammassinissaanut naammattut."</p> |
| <p>§ 9. Qinnuteqartut § 8, imm. 1-imi piunasaqaatinik piviusunngortitsinngitsut misilitsinnikkut Naalakkersuisunit suliarineqarlunilu nalilerneqartukut ilinniartunngorumallutik qinnuteqarsinnaapput. Misilitsinnerup siunertaraa, qinnuteqartup ilinniartitsinermik malinnaanissamut ilinniakkallu naammassinissaanut naammattumik ilinniakkatigut ilisimasaqassutsimik takutitsinissamut periarfissinnissaa. <i>Imm. 2.</i> Inissaq pissutigalugu qinnuteqartut ilinniartunngorniarluni misilitsinnermi angusisut imaluunniit § 8, imm. 2 naapertorlugu immikkut akuersinikkut ilinniartunngortikkumasat tamarmik ilinniartunngortinnissaat ajornarpat, rektorip aalajangissavaa qinnuteqartut kikkut</p> | <p>5. § 9 imatut oqaasertalerneqarpoq: ” § 9. Qinnuteqartut § 8, imm. 1 imaluunniit 2 naapertorlugu ilinniartussatut tiguneqanngitsut Naalakkersuisunit neqeroorfigineqassapput nalilersorneqarlutik tigusaanissamut misilitsillutik. Misilitsinnerup siunertaraa, qinnuteqartup ilinniartitsinermik malinnaanissamut ilinniakkallu naammassinissaanut naammattumik ilinniakkatigut ilisimasaqassutsimik takutitsinissaminut periarfissinnissaa. <i>Imm. 2.</i> Inissaq pissutigalugu qinnuteqartut ilinniartunngorniarluni misilitsinnermi angusisut inissaqartinnginneri peqqutigalugit tiguneqarsinnaanngippata, rektorip aalajangissavaa qinnuteqartut kikkut ilinniartunngortinneqassanersut. Rektorip</p> |

| | |
|--|---|
| <p>ilinniartunngortinneqassanersut. Rektorip taamatut aalajangiinermini qinnuteqartup ilinniarnertuunngorniarnarluni ilinniakkamik naammassinninnissamut periarfissai ataatsimoortumik nalilersussavai. Qinnuteqartut ilinniarnertuunngorniarmimmi ilinniartunngortinneqanngitsut, inissaqassuseq apeqqutaatillugu ilinniarnertuunngorniarmimmi allami ilinnialernissaannik neqeroorfigineqassapput.</p> | <p>taamatut aalajangiinermini qinnuteqartup ilinniarnertuunngorniarnarluni ilinniakkamik naammassinninnissamut periarfissai ataatsimoortumik nalilersussavai. Qinnuteqartut ilinniarnertuunngorniarmimmi ilinniartunngortinneqanngitsut, inissaqassuseq apeqqutaatillugu ilinniarnertuunngorniarmimmi allami ilinnialernissaannik utaqqisunulluunniit allatsinnissaminnut neqeroorfigineqassapput.”</p> |
| <p>§ 10. Ilinniartuq tunngaviusumik ilinniagaq, tak. § 15, naammassereerlugulu, rektori isumaqatigisinnarlugu ukiut 2 angullugit ilinniarunnaarallartoq, semesterit aappaasa aallartinneranni ilinniarnertuunngorniarnini semesterimi tassani nangissinnaavaa, ilinniarnertuunngorniarmimmi ilinniartup ilinniarmifigeriigaani imaluunniit ilinniarnertuunngorniarmimmi allami.</p> <p>§ 18. Tunngaviusumik ilinniagaq tunngaviusumik atuarfiup nanginneratut aaqqissuunneqassaaq. Tunngaviusumik ilinniakkap ilinniartut ilinniagassanut tunngatillugu ilisimasaqalersissavai paasisaqartillugillu aamma ilinniarnertuunngorniarmimmi suleriaatsinik paasisaqartillugit, ilinniartorlu ilinniakkami sammivissaanik toqqaanissaanut naammassinninnissaanullu tunngavississallugu, kiisalu ilinniartup nalinginnaasumik peroriartornissaanut tunngaviussalluni.</p> <p>§ 20. Tunngaviusumik ilinniakkap imarivai ilinniartitsissutit imminnut ataqatigiittussat.</p> | <p>6. Inatsisartut inatsisaanni sumi tamani ”tunngaviusumik ingerlatsineq” ima allanngortinneqassaaq: ”semesteri siulleq”.</p> |
| <p>§ 11. Qinnuteqartut ilinniarnertuunngorniarmimmi kommunimi</p> | <p>7. § 11 imatut oqaasertalerneqarpoq:</p> |

qinnuteqarnermik nalaani
aalajangersimasumik
najugaqarfigisaminniittumi (kommuni
angerlarsimaffik) ilinniartunngussapput,
taamaattoq tak. imm. 2 aamma 3.

Imm. 2. Qinnuteqartut,
ilinniarnertuunngorniarfimmi teknikikkut
imaluunniit niuernikkut sammivinnik
neqerooruteqartumi ilinnialerumasut,
ilinniarnertuunngorniarfimmi sammivimmik
kissaatigisaminnik neqeroorutilimmi
ilinniartunngortinneqassapput, taamaattoq
tak. imm. 3.

Imm. 3. Naalakkersuisut
aalajangersinnaavaat qinnuteqartoq
ilinniarnertuunngorniarfimmi imm. 1-imi
aamma 2-mi pineqartuunngitsumi
ilinniarnertuunngorniartutut
aallartissinnaasoq, inissaqarnikkut
imaluunniit suliamut atatillugu
inuttulluunniit pissutsit immikkut ittut
tamanna pisariaqartilerpasuk.

Imm. 4. Naalakkersuisut qinnuteqartut
ilinniarnertuunngorniarfimmi
aalajangersimasumik ilinniakkatigut
sammivilimmi ilinnialerumasut
ilinniarfimmi taamaattumi ilinnialernissaat
pillugu malittarisassanik
aalajangersaasinnaapput.

” § 11. Qinnuteqartut ilinniarfiit
aallartikkusutaminnik kissaatimi
tullerriaarneri pingaarnerniit normulerlugit
allassaavaat.

Imm. 2. Qinnuteqartut
ilinniarnertuunngorniarfimmi kommunimi
qinnuteqarnermik nalaani
aalajangersimasumik
najugaqarfigisaminniittumi (kommuni
angerlarsimaffik) ilinniartunngussapput
imaluunniit ilinniarnertuunngorniarfimmi
sammivik kissaatigisaminnik
neqeroorutilimmi
ilinniartunngortinneqassapput kommunip
angerlarsimaffiup neqeroorutaaniinngippat
ilinniarnertuunngorniarfimmi allami,
taamaattoq tak. imm. 3-5.

Imm. 3. Naalakkersuisut
aalajangersinnaavaat qinnuteqartoq
ilinniarnertuunngorniarfimmi imm. 2-mi,
pineqartuunngitsumi
ilinniarnertuunngorniartutut
aallartissinnaasoq, inissaqarnikkut
imaluunniit suliamut atatillugu
inuttulluunniit pissutsit immikkut ittut
tamanna pisariaqartilerpasuk.

Imm. 4. Ilinniarnertuunngorniarfimmi
aalajangersimasumi ilinniakkatut
sammivimmut aalajangersimasumut
ilinniarfiup inissaqartitaaniit
amerlanerulaartunik qinnuteqartoqarpat,
Naalakkersuisut killilimmik
amerlanerusunik
ilinniartunngortitsisinnaaneq
akuersissutigisinnaavaat.
Ilinniarnertuunngorniarfimmi
aalajangersimasumi ilinniakkatut
sammivimmut aalajangersimasumut
ilinniarfiup inissaqartitaanit
amerlaneroqisunik qinnuteqartoqarpat,
rektorip qinnuteqartut pisinnaasaannik
ilinnialerumallutillu pissutigisaannik
ataatsimoortumik nalileereernermigut

| | |
|---|---|
| | <p>aalajangissavaa, qinnuteqartut kikkut ilinniartunngortinneqassanersut. Qinnuteqartut ilinniartunngortinneqanngitsut pingaarnerniit tulleriiaarinermiinni tulliutsitartik naapertorlugu ilinniartunngortinneqassapput, malittarisassat maani nalunaarsorneqartut naapertorlugit.</p> <p><i>Imm. 5.</i> Naalackersuisut qinnuteqartut illoqarfinnit, nunaqarfinnit imaluunniit sumiiffinnit aalajangersimasumik killilerneqarsimasuneersut tiguneqarnissaat eqqarsaatigalugu kommunimi allami angerlarsimaffeqartutut isigineqarsinnaanerat pillugit malittarisassanik aalajangersaasinnaapput.”</p> |
| <p>§ 15. Ilinniagaq aaqqissugaassaaq tunngaviusumik ilinniakkatut, ilinniartunut tamanit ataatsimoorunneqartutut, tamatumalu kingorna ilinniarnermi immikkut sammiveqarluni ingerlatsinertut, ilinniartunit ataasiakkaanit ingerlatsinernit ilinniarnertuunngorniarmiit neqeroortigalugillu pilersitaasa akornannit toqqarneqartumik, tak. § 29.</p> <p>Tunngaviusumik ilinniarneq tassaavoq ilinniakkap semestertia siulleq. Immikkut sammiveqarluni ilinniagaq tassaavoq ilinniakkap semesteriisa aappaanniit arfernannut ingerlanneqartartoq.</p> | <p>8. § 15, imm. 1-imi oqaaseqatigiit aappaat atorunnaarpoq.</p> |
| <p><i>Imm. 2.</i> Ilinniakkap ataatsimut katillugit tiimii tassaapput tiimit 2225-2725-t, ilinniartup sammivittut ilinniartitsissutinillu toqqagassanit toqqagai apeqqutaallutik.</p> | <p>9. § 16, imm. 2, imatut oqaasertalerneqassaaq: ” <i>Imm. 2.</i> Ukiuni pingasuni ilinniakkap ataatsimut katillugit tiimit 2225-2725-ussapput ilinniartullu ilinniakkaminik sammivimmik immikkullu toqqagassanik toqqaasimanera apeqqutaalluni ukiuni marlunni ilinniarnerni tiimit 1500-1825-ussallutik.”</p> |
| | <p>10. § 16, imm. 4 nutaatut ilanngunneqassaaq:</p> |

| | |
|---|--|
| | ” <i>Imm. 4.</i> Imm. 2-mi taaneqartunit sivilunermik sivikinnermilluunniit ilinniarfiusuni atuartitsiviusut tiimit qassiussanersut malittarisassanik Naalakkersuisut aalajangersaasinnaapput.” |
| § 19. Tunngaviummik ilinniakkami ilinniarfiusineq 425 tiiminik sivilussuseqarpoq. | 11. § 19 atorunnaarsinneqarpoq. |
| <i>Imm. 2.</i> Atuartitsissutit ukuupput: 1) Kalaallit oqaasii. 2) Qallunaat oqaasii 3) Tuluit oqaasii. 4) Matematikki. 5) Science 6) Ilinniarfiusissutit kulturimut tunngasut. 7) Ilinniarnermi periutsit. 8) Timersorneq. | 12. § 20, <i>imm. 2,</i> imatut oqaasertalerneqassaaq: “ <i>Imm. 2.</i> Naalakkersuisut semesterimi siullermi pinngitsoorani sorliit atuartitsissutigineqartussat pillugit malittarisassanik aalajangersaasinnaapput.” |
| § 23. Ilinniakkatigut sammivimmik ingerlatsineq 1800-2300 tiiminut naatsorsuussaavoq, ilinniarfiusut ilinniakkatigut sammivimmik ilinniarfiusissutinillu toqqagassanik toqqaanera apeqqutaatillugu. § 28. Ilinniarfiusut ilinniakkatut sammivimmik toqqaanermi pingaarniit tullerriaarlugit nalunaassavaa, ilinniakkatut sammivik sorleq ilinnialerfissatut kissaatiginerlugu ilinniarnertuunngorniarfimmilu sumiikkumanerluni. <i>Imm. 2.</i> Ilinniarfiusut ilinniakkatut sammivimmi ilinniarnertuunngorniarfimmilu sallerpaatitamini ilinniarfiusutunngortinneqassaaq, taamaattoq tak. <i>imm. 3-6.</i> <i>Imm. 3.</i> Ilinniakkatut sammivik toqqarneqartoq ilinniarnertuunngorniarfimmilinniarfiusutunngortinneqassaaq ilinnialerfiginiagaani aamma | 13. § 23 aamma § 28 atorunnaarsinneqarput. |

ilinniarnertuunngorniarfinni allani
neqeroorutigineqarpat, ilinniartoq
ilinniakkatut sammivimmi kommunimini
ilinniarnertuunngorniarfimmiittumi
ilinniartunngortinneqassaaq.

Imm. 4. Ilinniakkatut sammivik
kommuunerisami

ilinniarnertuunngorniarfimmi ilinniartup
ilinnialerfigisassarinnngisaani

ilinniarnertuunngorniarfinnilu allani
neqeroorutigineqarpat, ilinniartoq
kommuunerisamini

ilinniarnertuunngorniarfimmi ilinniakkatut
sammivimmi toqqakkamini

ilinniartunngortinneqassaaq.

Imm. 5. Ilinniakkatut sammivik
toqqarneqartoq kommuunerisami

ilinniarnertuunngorniarfimmi
neqeroorutigineqanngippat, ilinniartoq
ilinniakkatut sammivimmi

ilinniarnertuunngorniarfimmi
ilinnialerfigiumallugu kissaatigisamini

ilinniartunngortinneqassaaq, taamaattoq tak.
imm. 6.

Imm. 6. Ilinniarnertuunngorniarfimmi
aalajangersimasumi ilinniakkatut
sammivimmut aalajangersimasumut

ilinniarfiup inissaqartitaaniit
amerlanerulaartunik qinnuteqartoqarpat,

Naalakkersuisut killilimmik
amerlanerusunik

ilinniartunngortitsisinnaaneq
akuersissutigisinnaavaat.

Ilinniarnertuunngorniarfimmi
aalajangersimasumi ilinniakkatut
sammivimmut aalajangersimasumut

ilinniarfiup inissaqartitaanit
amerlaneroqisunik qinnuteqartoqarpat,

rektorip qinnuteqartut pisinnaasaannik
ilinnialerumallutillu pissutigisaannik

ataatsimoortumik nalileereernermigut
aalajangissavaa, qinnuteqartut kikkut

ilinniartunngortinneqassanersut.

| | |
|---|---|
| <p>Qinnuteqartut ilinniartunngortinneqanngitsut pingaarnerniit tulleriiarinerminni tulliutsitartik naapertorlugu ilinniartunngortinneqassapput, malittarisassat maani nalunaarsorneqartut naapertorlugit.</p> | |
| <p>§ 65. Ilinniarnertuunngorniarfinni ataasiakkaani tamani ilinniartitsisut siunnersuisartoqatigiiliussapput, taakkualu rektorimut suliamut atatillugu, perorsaanikkut ingerlatsinikkullu pissutsit pillugit siunnersuisartuupput.</p> <p><i>Imm. 2.</i> Ilinniartitsisut aalajangissavaat ilinniartitsisut siunnersuisartoqatigiivi tassaassanersut ilinniarnertuunngorniarfimmi ilinniartitsisut tamarmik imaluunniit ilinniartitsisut peqataatitaannik inuttaqartut, ilinniarfimmi ilinniartitsisunit taakkualu akornannit toqqakkat. Ilinniartut siunnersuisartoqatigiivisa peqataatitaat ilinniartitsisut siunnersuisartoqatigiivisa ataatsimiinnerini malinnaasutut peqataasinnaavoq.</p> <p><i>Imm. 3.</i> Ilinniartitsisut siunnersuisoqatigiit nammineerlutik suleriaasissamik aalajangersaassapput.</p> <p><i>Imm. 4.</i> Ilinniartitsisut siunnersuisartoqatigiivini sulineq piffissamut ilinniartitsisup ilinniartitsiffianut ilaasutut naatsorsuunneqarpoq. Sulineq ima aaqqissuuneqassaaq, ilinniartitsisoq sapinngisamik annertunerpaamik ilinniartitsinermik pilersaaruseriikkamik ingerlatsinnaatillugu.</p> <p><i>Imm. 5.</i> Naalakkersuisut ilinniartitsisut siunnersuisartoqatigiivi pillugit malittarisassanik erseqqinnerusunik aalajangersaassapput, tamatumunnga ilanngullugit ilinniartitsisut siunnersuisartoqatigiivinut qinersisarneq, siunnersuisartoqatigiit sulinerat piffissarlu atuuffiat.</p> | <p>14. § 65 ima oqaasertaqassapput: ” § 65. Ilinniarnertuunngorniarfinni ataasiakkaani tamani ilinniartitsisut siunnersuisartoqatigiiliussapput, tassani inuttaassallutik rektori, immikkoortortani pisortat kiisalu ilinniartitsisut, ilinniarnertuunngorniarfimmi atuartitsisartut imaluunniit atuartitsinermut ilinniartitsinermulluunniit arlaatigut attuumassuteqartut. Ilinniartut siunnersuisartoqatigiivisa peqataatitaat ilinniartitsisut siunnersuisartoqatigiivisa ataatsimiinnerini malinnaasutut peqataasinnaavoq.</p> <p><i>Imm. 2.</i> Ilinniartitsisut siunnersuisoqatigiit rektorimut siunnersuisassapput.</p> <p><i>Imm. 3</i> Ilinniartitsisunut siunnersuisoqatigiit ukiumut ikinnerpaamik sisamariarlutik ataatsimiittassapput. Ilinniartitsisut siunnersuisartoqatigiivisa namminneq suleriaasissartik aamma aalajangissavaat. Inaarutaasumik suleriaasissaq rektorimit akuersissutigineqassaaq.</p> <p><i>Imm. 4.</i> Ilinniartitsisunut siunnersuisartoqatigiit aprilimi ukiut tamaasa siulittaasussaminnik qinersisassapput.</p> <p><i>Imm. 5.</i> Rektorip Ilinniartitsisunullu siunnersuisartoqatigiinni siulittaasup, apeqqutit sorliit qaqineqassanersut ataatsimoorlutik aalajangertassavaat.</p> <p><i>Imm. 6.</i> Ilinniartitsisut siunnersuisartoqatigiivini sulineq piffissamut ilinniartitsisup ilinniartitsiffianut ilaasutut naatsorsuunneqarpoq. Sulineq ima aaqqissuuneqassaaq, ilinniartitsisoq</p> |

| | |
|--|--|
| | <p>sapinngisamik annertunerpaamik ilinniartitsinermik pilersaarusiorkkamik ingerlatsisinnaatillugu.</p> <p><i>Imm. 7.</i> Naalackersuisut ilinniartitsisut siunnersuisartoqatigiivi pillugit malittarisassanik erseqqinnerusunik aalajangersaasinnaapput, tamatumunnga ilanngullugit ilinniartitsisut siunnersuisartoqatigiivinut qinersisarneq, siunnersuisartoqatigiit sulinerat piffissarlu atuuffiat.”</p> |
| | <p style="text-align: center;">§ 2</p> <p>Inatsisartut inatsisaat ulloq 1. januar 2021 atortuulissaaq. Aalajangersakkat § 1, nr. 6, 8, 9, 10, 11 aamma 14 atortuulissapput ulloq 1. august 2021.</p> |

3. Pisortani aningaasarsiornikkut allaffissornikkullu kingunerisassat

3.1 Pisortanut aningaasaqarnikkut kingunerisassai

Nutaajuvoq ilinniarnertuunngorniarfiit ilinniartullu inaannik Naalackersuisut qulakkeerinninniarnarat, taamaaliornermi § 8, imm. 2 naapertorlugu qinnuteqartut immikkut akuerineqarlutik qinnuteqartut tamarmik tiguneqarsinnaasunngorlugit. Tamatumali aningaasaqarnikkut kinguneqarnissaa naatsorsuutigineqanngilaq, tassami maanna tamatumunnga ilinniartut inissaqarnissaat qulakkeerneqarmat. Ilinniarnertuunngorniarfinni ilinniartussanik tiguneqartartut amerlassusaannut sunniuteqarnissaa naatsorsuutigineqanngilaq. Immikkut akuerineqarlutik amerlanerit tiguneqartarnissaat naatsorsuutigineqarpoq akerlianilli misilitseqqaarlutik tiguneqartartut ikilissallutik. Taamaammat ilinniartut inaannik pisariaqartitsisut allannguuteqarnissaat naatsorsuutigineqanngilaq. Illoqarfinni ilinniarnertuunngorniarfeqartuni arlalinni inissiat ilinniartunut atugassanngorlugit attartugassaqartarput, tamannalu ukiorpanngortuni piusariaqarsimavoq ilinniartut inaannik naammattunik sanasoqarnissaata tungaanut. 2020-mut Aningaasanut inatsimmi ukiunilu missingersuusiorfiusuni tassunga atorneqartussanik aningaasanik illikartitsisoqarsimavoq, taamaammat siunnersuut naatsorsuutigineqareersut saniatigut pisortanut aningaasatigut kinguneqarnissaa naatsorsuutigineqanngilaq.

3.2 Allaffissorneq pisortanut kingunerluutaasinnaavoq

Rektorit qinnuteqaatinik suliaqarnerannut atatillugu qinnuteqaatit pitsaanerusumik suliarisinnaalissagaat siunnersuutip sunniutigissagaa naatsorsuutigineqarpoq, taamaalillunilu qinnuteqartut tiguneqarsimanerlutik sukkanerusumik akissutisisinnaalissallutik.

4. Aningaasat tungaasigut allaffissornikullu inuussutissarsiutinik ingerlatsisunut kingunerisassat

Siunnersuutip kommunitut allaffissornikkut imaluunniit aningaasaqarnikkut kinguneqarnissaa naatsorsuutigineqanngilaq.

5. Avatangiisinut, pinngortitamut inuillu peqqissusaannut kingunerisassat

Siunnersuut avatangiisinut, pinngortitamut innuttaasullu peqqissusaannut kinguneqarnissaa naatsorsuutigineqanngilaq.

6. Innuttaasunut kingunerisassat

Ilinniarnertuunngorniarfinnut qinnuteqartartunut qinnuteqariaatsimik paasinarnerusumik kinguneqarnissaa siunnersuut kinguneqassanganneqarpoq. Siunnersuut aamma sunniuteqassanganneqarpoq siunissami ilinniartunut eqimattanut assigiinngitsunut ilinniarnertup nalimassarluarneqarnerulersinnaanissaanik.

7. Kingunerisassat annertuut allat

Siunnersuut allatigut annertuunik kinguneqassasoq naatsorsuutigineqanngilaq.

8. Oqartussaasut kattuffiillu il.il. tusarniaavigineqarnerat

Siunnersuut piffissami 13. november 2019-imiit 18. december 2019-ip tungaanut tusarniaanernut isaaffikkut pissarsiarineqarsinnaasunngorlugu tamanut tusarniaassutigineqassaaq tusarniaaffigineqartunullu tullinnguuttunut makkununga nassiussuunneqassalluni:

Naalackersuisut Siulittaasuata Naalackersuisoqarfia

Pinngortitamut, Avatangiisinut Ilisimatusarnermullu Naalackersuisoqarfik

Aningaasaqarnermut Nunanilu Avannarlerni Suleqatigiinnermut Naalackersuisoq

Ineqarnermut Attaveqatigiinnermullu Naalackersuisoqarfik

Nunanut Allanut Naalackersuisoqarfik

Aalisarnermut, Piniarnermut Nunalerinerimullu Naalackersuisoqarfik

Peqqissutsimut Naalackersuisoqarfik

Isumaginninnermut Inatsisinillu Atuutsitsinerimut Naalackersuisoqarfik

Inuussutissarsiornermut, Nukissiuteqarnermullu Naalackersuisoqarfik

Aatsitassanut Suliffeqarnermullu Naalackersuisoqarfik

Avannaata Kommunia,

Kommune Qeqertalik

Qeqqata Kommunia

Kommuneqarfik Sermersooq

Kommune Kujalleq

Avannaani Ilinniarnertuunngorniarfik

Qeqqani Ilinniarnertuunngorniarfik/GUX Nuuk

Kalaallit Nunaanni Teknikimik Ilinniarnertuunngorniarfik (KTI)

Campus Kujalleq

MIO
 Knud Rasmussenip Højskolia
 Sulisartut Højskolia
 INULI
 Kalaallit Nunaanni Imarsiornermik Ilinniarfik
 NI-Nuuk
 Ilisimatusarfik
 Perorsaanermik Ilinniarfik
 Aarhusimi Kalaallit Illuat
 Odensemi Kalaallit Illuat
 Aalborgimi Kalaallit Illuat
 Københavnimi Kalaallit Illuat
 Sulisitsisut
 IMAK
 SIK
 AK
 Danmarkimi Ilinniartitaanermut Ministeeriaqarfik
 Avalak
 ILI ILI
 Siunnersuisartunik Ilinniarfik
 ASG
 Innarluutillit Illersuisuat Tilioq
 Inuit Pisinnaatitaaffii pillugit Siunnersuisoqatigiit

Tusarniaanermut oqaaseqaatissaqaratik ukunannga akissuteqartoqasimavoq:

Pinngortitamut Avatangiisinullu Naalakkersuisoqarfik, Kommune Kujalleq, Peqqissutsimut
 Naalakkersuisoqarfik, Isumaginninnermut Inatsisinillu atuutsitsinnermut Naalakkersuisoqarfik
 kiisalu Kommuneqarfik Sermersooq.

Tusarniaaffigineqartut uku siunnersuummut oqaaseqaateqarput:

Aningaasaqarnermut Naalakkersuisoqarfik, Inuussutissarsiornermut, Nukissiuteqarnermut,
 Ilisimatusarnermut Suliffeqarnermullu Naalakkersuisoqarfik, Odensemi Kalaallit Illuutaat,
 MIO, Sulisitsisut, Gymnasieskolernes Lærereforening aamma Børne- og
 Undervisningsministeriet.

| Nr. | Tusarniaavigineqartoq | Oqaaseqaatit | Oqaaseqaatigineqartumut oqaaseqaatit |
|------------|---|--|--|
| 1 | Aningaasaqarnermut Naalakkersuisoqarfik | Allaffissornermik oqilisaataassappat pisortallu isumalluutaannik minnermik | Oqaaseqaat allannguinnissamut tunngavissiiisimangilaq. |

| | | | |
|-----|--|--|--|
| | | <p>atuinermik kinguneqassappat AN-ip inatsimmik nalimmassaasoqarnissaanik pisariaqartitsineq paasilluarsinnaavaa.</p> | |
| 1.2 | | <p>2019-imut Ilinniartut ineqarfiinut Immikkoortukkaanut pilersaarummi ilinniartut inaannik pisariaqartitsinermut ilinniartut inaasa amerlassusaat imminnut naapertuutinngitsut oqaatigineqassaaq. Ilinniartut inissiaattut atugassanik Nuummi, Qaqortumi Aasiannilu inissianik attartortakkanik attartortoqartartoq immikkoortukkuutaanut pilersaarummi oqaatigineqarpoq. Inatsisip akuerineqarnissaa apeqqutaalluni 1. august 2020-mi atuutilertussatut inissinneqarsimavoq. Ilinniartulli ineqarfiinut immikkoortukkaanut pilersaarut naapertorlugu illoqarfinni ilinniarnertuunngorniarfiusuni tamani suli inissat arlallit amigaataassapput. Siunnersuummili nassuiaatini immikkut akuerineqarlutik tiguneqartuni maanna inissani inissaqartinneqassasut nalilerneqarpoq. Inatsisip 1. augustimi aappaagu atuutilernerani inissaqartitsineq pillugu</p> | <p>Oqaaseqaat allannguinnissamut tunngavissiiisimavoq.</p> <p>Aningaasatigut kingunerisassat pillugit immikkoortumut ilassutigineqarpoq ilinniarnertuunngorniarfinni ilinniartussatut tiguneqartartut amerlassusaanut allannguutaanavianngitsoq naatsorsuutigineqartoq. Immikkut akuerineqarlutik amerlanerit tiguneqartarnissaat naatsorsuutigineqarpoq akerlianilli misilitseqqaarlutik tiguneqartartut ikilissallutik. Taamaammat ilinniartut inaannik pisariaqartitsisut allannguuteqarnissaat naatsorsuutigineqanngilaq.</p> <p>Taamaammat 2020-mi taassumalu kingorna ilinniartut inissiaasa naammalernissaasa tungaannut inissianik attartortakkanik ilinniartunut atugassanik attartortoqassaaq, tamannali 2020-mut aningaasanut inatsimmi ukiunullu missingersuusiorfiusuni isiginiarneqarsimapput. Taamaammat siunnersuut ilinniartut inissiaannut</p> |

| | | | |
|---|--|--|---|
| | | <p>erseqqissaasoqassaaq kiisalu 2019-imut ilinniartut ineqarfiinut immikkoortukkuutaanut pilersaarutip ilinniartut inaannik amigaateqarnermi nutaanik sanaartornermi tamatumunnga qanoq iluaqutaatigissanersoq ilanngullugu eqqarsaatigalugu.</p> | <p>immikkoortukkuutaanut pilersaarummut naapertuutinngitsutut oqaatigineqarsinnaanngilaq, imaluunniit aningaasanut inatsimmi avataanit inissianik attartornissamut akiliutissanut illikartinneqarsimasunut aamma akerliunani.</p> |
| 2 | <p>Pinngortitamut Avatangiisinullu Naalakkersuisoqarfik</p> | <p>Oqaaseqaateqanngillat</p> | |
| 3 | <p>Inuussutissarsiornermut , Nukissiuteqarnermut, Ilisimatusarnermut Suliffeqarnermullu Naalakkersuisoqarfik</p> | <p>Kalaallit Nunaanni sulisartut ilinniagaasa piginnaasaasalu qaffassarnissaat pingaaruteqarpoq, taamaammatt tamatumunnga iluaqusiisinnaasut suulluunniit Suliffeqarnermut Naalakkersuisoqarfiup qujaruppai. Aamma inuusuttut ilinniagavissaminnik aallartinnissaannut suliniutit suulluunniit piaartumik aallartitsissutaasinnaasut pitsaasuusut.</p> | <p>Oqaaseqaat allannguissamut tunngavissiisimanngilaq.</p> |
| 4 | <p>Kommune Kujalleq</p> | <p>Tusarniaassut AMN-imi ataatsimiititaliami nalinginnaasumik ataatsimiinnermi suliarineqarpoq. Siunnersuut ataatsimiititaliamit taparserneqarpoq allanillu oqaaseqaatissaqarani.</p> | <p>Oqaaseqaat allannguissamut tunngavissiisimanngilaq.</p> |
| 5 | <p>Peqqissutsimut Naalakkersuisoqarfik</p> | <p>Oqaaseqaateqanngillat</p> | |
| 6 | <p>Isumaginninnermut Inatsisinillu</p> | <p>Oqaaseqaateqanngillat</p> | |

| | | | |
|-----|--|--|--|
| | Atuutsitsinermut Naalackersuisoqarfik | | |
| 7 | Kalaallit Illuutaat Odense | <p>Aallaqqaasiutigalugu avataanit suleqataasut Majoriaq aamma CNV assigalugit allannguutissatut siunnersuusiortoqarnis-saanut piareersarnermi allannguutissatut siunnersuutissanik piareersaaqataarusuppugut.</p> <p>September 2019-imi Danmarkimi Kalaallit Illuutaasa ilinniartut Namminersorlutik Oqartussanit ilinniagaqarnersiutillit 625-t sullitaraat. Danmarkimi ilinniakkamik aallartitsinngikkallaramik arlallit Kalaallit Nunaanni GUX-ersimapput.</p> <p>Taakku saniatigut 2018/19-imi kalaallit efterskolertut 2/3-ii Danmarkimi efterskolerniarlutik toqqarsimavaat. Kalaallit Nunaanni ilinniarfinnut qinnuteqaatinut tunngatillugu Kalaallit Illuinit inuussutissarsiutinut ilitsersuunneqartarput. Amerlanerit GUX-inut qinnuteqarusunnerusarput.</p> | Oqaaseqaat allannguinnessamut tunngavissiisimanngilaq. |
| 7.2 | | Nr. 4-mut (§ 8, imm. 2): Karakteriiinut piumasaqaatinik naammassinninngitsunut kiisalu tiguneqarnissamut misilitsinermi piumasaqaatinik | Oqaaseqaat allannguinnessamut tunngavissiisimanngilaq. Immikkut akuersissuteqarsinnaaneq annertusineqarpoq, |

| | | |
|-----|---|--|
| | <p>naamassinninngitsunut qinnuteqartunik tiguisinnaanermut qasukkaanertut tamanna isigineqarsinnaavoq. Meeqqat atuarfianni misilitsinnerminni angusaat appasippallaartut GUX-ini tiguneqartartut amerliartuinnarpata GUX-ini atuatitsinerup oqimaannerusumik ingerlanneqartalernissaat ernummatigisinnaavarput.</p> | <p>taamaattoq ilinniarnertuunngorniarni ilinniakkaminnik naamassinninnissamut qinnuteqartut piginnaasaat naammannersut pillugit rektori suli nalilersuisassaaq. Ilinniarnertuunngorniarninnut naleqqutinngitsunik ilinniarniarlutik qinnuteqarsimasunik rektorit tiguisarnissaat naatsorsuutigineqanngilaq.</p> |
| 7.3 | <p>Nr. 9-mut aamma 10-mut: Ukiuni ataaatsimi aamma ukiuni marlunni GUX-imi atuarneq Danmarkimi HF-inut ilinniarninnut assingua?</p> <p>Tamatuma kingunerissavaa ilinniarnertuunngorniarnermut ilassuteqartoqarnissaanik (GS-imik) appasinnerusumik pisariaqartitsisoqalernissaa imaluunniit ilinniaritsissutaasut ikinnerit ingerlanneqartariaqalernissaat.</p> <p>Naak Kalaallit Nunaanni GS-imi ilinniakkat arlaqartut ingerlanneqarsinnaagaluartut maluginiarparput amerliartortut Danmarkimi GS-imik ingerlatserusuttartut. GS Danmarkimi sukkasuumik ingerlatassanngorlugu neqeroorutigineqaraangat sukkasuumik ingerlanneqartarpoq.</p> | <p>Oqaaseqaat allannguinnissamut tunngavissiisimangilaq.</p> <p>Ukiuni marlunni ilinniarnertuunngorniarneq atuaqqinnissamut piginnaasanik tunisilluartarpoq. Taanna inuusuttunut sivikitsumik akunnattumilluunniit sivisussusilimmik ilinniakkamik kingorna ilinnialerusuttunut sammitinneqarneruvoq. Taamaammat inuusuttut ilinniarnertuunngorniarnimmi aallartinnginneranni ilinniarnertuunngorniarnimmut eqqortumut ilitersuunnissaat pingaaruteqarpoq. Arlaat ingerlariaqqiffiusumik ilinniakkamik sivisuumik ingerlataqarusuppat taanna ukiuni pingasuni ilinniarnertuunngorniarnimmut innersuunneqassaaq. Taakku saniatigut ilinniartooq</p> |

| | | | |
|---|-----|--|--|
| | | <p>Ilinniakkat amerlanerit GS-itut ingerlanneqarpata GS-imi ilinniartitsissutit pisariaqartinneqartut akornanni unikkallartarnissaq aarleqqutigineqarsinnaavoq. Tassa imaappa ilinniartut Danmarkimut Kalaallillu Nunaannut utikajaarlutik GS-imi ilinniartitsissutit ataasiakkaat ingerlattassagaat imaluunniit piffissat akunneranni ilinniarnermut tapisiaqarnissaat qulakkeerneqassava?</p> <p>Danmarkimi inuusuttunut inissianik piffissami sivikitsumi atuartussanut (GS-imi eqikkakkamik ilinniartussanut) nassaarniartarneq imaannaasannqilaq qularnaveeqqusiinermut akit akilerneqartussat qaffasissinnaasarmata. GS-imi eqikkakkamik ilinniarnertit sapaatit akunnerinit 3-nit 12-inut sivisussuseqarsinnaasarput.</p> | <p>ilinniarnertuunngorniarmimmi ilinniartitsissutininik toqqaanissaanik ilitsersorneqassaaq taamaaliornermilu ilinniarnertuunngorniarnermi immikkut atuartinneqarnissaanik pisariaqartitsinera minnerulissaaq.</p> <p>Taakku saniatigut inersimasunut ukiuni marlunni ilinniarnertuunngorniarneq neqeroorutaavoq. Taanna ilinniaqqiffinnut akunnattumik sivisunermillu sivisussusilinnut ingerlariaqqiffiusinnaavoq, tamannalu Aasianni GUX-imi ilisimatitsissutigineqarpoq. Qinnuteqartut kingorna allamik ilinnialerusukkunik ukiuni pingasuni ilinniarnertuunngorniarnissaannut siunnersorneqartariaqarput.</p> <p>Aamma eqqaaneqassaaq ukiumik ataatsimik ilinniarnertuunngorniarnermik neqerooruteqanngimmat. Ukiumik ataatsimik sivisussusilimmik ilinniarnertuunngorniarneq atuakkatigut tunngaviusumik naammattumik pissarsiviunaviannqilaq.</p> |
| 8 | MIO | <p>Tusarniaaneq pineqartoq NP’p Meeqqat Pisinnaatitaaffii pillugit Isumaqtigiissutaanut</p> | <p>Oqaaseqaat allannguinessamut tunngavissiisimannqilaq.</p> |

| | | | |
|--|--|--|--|
| | | <p>atatillugu immikkut meeqqat inuusuttullu isiginnittaasiatigut Meeqqat Illersuisuata nalilerpaa. FN-ip Meeqqat pisinnaatitaaffinnut isumaqatigiissutai inunnut tamanut 18-it inorlugit ukiulinnut atuuppoq (artikel 1). Kalaallit inuusuttai sulii 18-inik ukioqalernatik meeqqat atuarfianni naammasseriartut ilinniarnertuunngorniartarput, taamaalillutillu FN-ip Meeqqat pisinnaatitaaffii pillugit isumaqatigiissummi taakkununga atuullutik.</p> <p>Meeqqat illersuisuattut inatsimmi allannguutit nalimmassarneqarmata nuannaarutigaa, taamaalilluni ilinniarnissamut tunngaviit eqaallisarneqarlutik. FN-ip Meeqqat pisinnaatitaaffii pillugit isumaqatigiissutaani artikel 28 malillugu meeqqat inuusuttullu tamarmik ilinniarsinnaatitaapput isumaqatigiissummullu ilaasut (Kalaallit Nunaat) meeqqanut inuusuttunullu tamanut ilinniartut ammatinnissat anguneqarsinnaanissaallu akisussaaffigaat.</p> <p>Allannguutissani inuusuttut najukkamut ilaqutariinnullu tunngasuni attuumassutaat isiginiarneqarmat</p> | |
|--|--|--|--|

| | | | |
|--|--|---|--|
| | | <p>nuannerpoq taamaattoqarneranilu aamma ilinniakkanik inuttulluunniit atugaat peqqutaallutik ilinniarnertuunngorniar- fimmi aalajangersimasumi tiguneqarnissaannik avaqqutsisoqarsinnaanera isiginiarneqarluni (tak. aalajangersakkanut ataasiakkaanut nassuiaatit). Meeqqat inuusuttullu angajoqqaaminnit avissaartinneqannginnis- sartik pisinnaatitaaffigaat (FN-ip Meeqqat pisinnaatitaaffii pillugit isumaqatigiissutaanni artikel 9) soorluttaaq meeqqat inuusuttullu assignngisitsinernut tamanut illersorneqarsinnaatitaasut (FN-ip Meeqqat pisinnaatitaaffii pillugit isumaqatigiissutaanni artikel 2) meeqqap/ Inuusuttup sugiaassusaa, oqaasii, inooqataanikkut suminngaanneenera, innarluuteqarnera, inunngorfia il.il. apeqqutaatinnagit.</p> <p>Meeqqat inuusuttullu ilinniarnermikkut inuttut pissusaat tarnikkut timikkullu ineriartortinneqassapput; soorluttaaq aamma inersimasunngornissaannut akisussaaffeqartumik inuuneqalernissaannut piareersarneqassasut (FN-ip Meeqqat pisinnaatitaaffii</p> | |
|--|--|---|--|

| | | | |
|----|---|--|--|
| | | <p>pillugit isumaqatigiissutaanni artikel 29).</p> <p>Tusarniaanermut tunngasunut Meeqqat illersuisuat allanik oqaaseqaatissaqanngilaq.</p> | |
| 9 | Sulisitsisut, Grønlands Erhverv | <p>GE inatsisissatut siunnersuummut annerusumik oqaaseqaatissaqanngilaq.</p> <p>Ilinniartitsisunut siunnersuisoqatigiit piffissaq atuuffissaat pillugu Naalakkersuisut ersarinnerusunik malittarisassiorsinnaanerat GE-mit paasiuminaatsinneqarpoq, tak. § 65, imm. 8, tassa § 65, imm. 1 naapertorlugu siunnersuisoqatigiit ataavartuutinneqarpata.</p> <p>Piffissaq atuuffiat pillugu aamma sukumiinerusumik nassuiaasoqarsinnaavoq.</p> | <p>Oqaaseqaat allannguissamut tunngavissiisimangilaq.</p> <p>Imm. apeqqutaatinnagu piffissaq atuuffissaannut aalajangiineq ajoqutaasussaannngitsutut nalilerneqarpoq.</p> <p>Aalajangersakkat atuutereersut ingerlateqqinneqartut uani pineqarput.</p> |
| 10 | Gymnasieskolernes Lærerforening (Ilinniarnertuunngorniar-finni ilinniartitsisut peqatigiiffiat) | <p>Gymnasieskolernes Lærerforening (GL) Ilinniarnertuunngorniar- neq pillugu Inatsisartut inatsisaata allanngortinneqarnera pillugu Inatsisartut inatsisissaattut siunnersuut pillugu tusarniaanermi akissuteqarnissamut periarfissinneqarami qujavoq.</p> <p>Ilinniarnertuunngorniarfiit ingerlaavartumik nalilersorneqartarsimam- mata pitsaasuuvoq maannalu</p> | <p>Oqaaseqaat allannguissamut tunngavissiisimangilaq.</p> |

| | | | |
|------|--|--|---|
| | | <p>ilinniakkanut tunngaviit nalimmassarlugit malitseqartitsisoqarluni taamaaliornikkullu amerlanerit ilinniarnertuunngorniarfin-ni pitsaanermik atuarsinnaalerlutik.</p> | |
| 10.2 | | <p>§ 8, imm. 2-mi tiguisarneq pillugu: GE-p ernummatigaa ilinniartussanik tiguisarneq pillugu allannguinermi ilinniarnertuunngorniarfiit annerit arlalinnik ilinniakkanik sammivillit ilinniartussarsiornermut tunngatillugu inissisimalluarnerunissaat. Ilinniarnertuunngorniarfin- nut minnernut qinnuteqartartut amerlassusaannik innarliisinnaapput.</p> | <p>Oqaaseqaat allannguinnissamut tunngavissiisimanngilaq.</p> <p>Ilinniarnermi sammivik ilinniarnertuunngorniarfimmi kommunerisami neqeroorutaappat qinnuteqartoq siullertut tassani tiguneqassaaq. Ilinniakkatut sammivik kommunerisami neqeroorutaanngippat kommunimi allami ilinniarnertuunngorniarfimmi qinnuteqartup aallartissinnaanissaa pisariaqarnersoq isummerfigineqassaaq. Qinnuteqartut kommunerisaminni aalajangersimasunik ilinniakkanik sammiviit neqeroorutaannginneri pillugit qinigassaannik ilanngartuunneqassanngillat.</p> |
| 10.3 | | <p>Ilinniakkami tiimit atuartitsissutit – § 16: Ilinniarnertuunngorniarfin-ni assigiinngitsunik sivisussuseqartarnissaanut periarfissat nutaat GE-p iluarai. Ilinniartunut nalinginnarmik ukiuni pingasuni atuartitsinermik</p> | <p>Oqaaseqaat allannguinnissamut tunngavissiisimanngilaq.</p> <p>Ukiuni marlunni ilinniarnertuunngorniarneq neqeroorutaasoq ilinniaqqinnissamut piginnaasaqalersitsivoq.</p> |

| | | |
|--|---|--|
| | <p>allaanerusumik aaqqissuussinermut neqeroorutissatut pitsaasuvoq. Aamma ilinniarfiit ingerlariaqqiffiusunut ilinniarfinnut tamakkiisumik ammaassinissaasa qulakkeernissaat imaluunniit pisariaqanngitsumik akornusersorneqaratik pisariaqartitaminnik atuartitsissutinik ilasisinnaanissaat ilinniarnerminnilu ilinniartut unittoortannginnissaat qulakkiissallugu pingaaruteqarpoq.</p> | <p>Taakku saniatigut ilinniartut aalajangersimasumik ilinniarfimmut isernissaminnut ilinniakkanik fagidik amigaateqarunik kingorna ilassutigisinnaanissaannut periarfissaqassasoq nalilerneqarpoq. Inuusuttut ilinniarnertuunngorniarfinnut qinnuteqannginneranni tamatuminnga pisariaqartitsinerannik millisaasoqarnissaanik inuusuttut ilitsersorneqassapput.</p> |
| | <p>Tunngaviusumik ingerlatsineq - § 19-imi atuuttoq: Semesterimi siullermi atuarfiusussat akunnerit aalajangersimasut peernissaat GE-mit iluarineqarpoq. Fagit ingerlaannarnissaannut akornusersuutaasarsimapput pingaartumillu c-fagit siunertamut naapertuuttumik ingerlannissaat ajornakusoorsimalluni.</p> | <p>Oqaaseqaat allannguissamut tunngavissiisimanngilaq.</p> |
| | <p>Semesterimi siullermi pinngitsoorani ilinniartitsissutaasussat, tak. § 20, imm. 2: Semesterimi siullermi ilinniartitsissutinut tunngatillugu eqaannerusumik periaaseqarnissaq iluaqutaasarpoq. Suliassaqarfimmi tassani allanik</p> | <p>Oqaaseqaat allannguissamut tunngavissiisimanngilaq.</p> |

| | | |
|--|--|---|
| | <p>malittarisassaqaalissappat ilinniarnertuunngorniarfiit tamatuminnga oqaloqatigalugit pinissaat pingaaruteqarluinnarpoq. Taamaaliornikkut semesterimi siullermi ilinniarnerep sammivianik ilinniarfissat ilanngunnissaannut isumaliuteqarnermut iluaqutaasinnaapput.</p> | |
| | <p>Ilinniartitsisunut siunnersuisoqatigiit - § 65: Allannguinerup ilinniartitsisunut siunnersuisoqatigiit sulisinnaanerannut kinguneqarnissaa GL-ip ernummatigaa. Ilinniartitsisunut siunnersuisoqatigiit aaqqissuusaanermut ilaasutut naatsorsuutigineqartarput rektorimut atuartitsinermik ilinniartitsinermilluunniit tunngasunik - aamma allaffissornermut tunngasunik - tunngaveqarluartumik pitsaasumillu siunnersuisinnaasutut isigineqarlutik.</p> <p>Taamaammat ilinniartitsisunut siunnersuisoqatigiit akisussaaqataanissaminnut atuarfiullu ineriartorneranut peqataanissaminnut kiisalu suliassaqarfitsik pillugu killilersugaanatik oqaaseqarsinnaanissamin-nut</p> | <p>Oqaaseqaat allannguinissamut tunngavissiisimavoq.</p> <p>Pillugu. § 65, imm. 3 pillugu: Allannguutissatut siunnersuut naammassineqarsinnaanngits utut isigineqarpoq. Aalajangersakkamullu ilanngunneqarpoq ukiumut ikinnerpaanik sisamariarluni ataatsimiittoqartassasoq. Nassuiaatinut aamma ilanngunneqassapput ilinniartitsisunut siunnersuisoqatigiit suleriaatsimik aalajangiiniarnermut atatillugu isumaqatigiinngitsaqarpat inaarutaasumik aalajangerneqarluni.</p> <p>§ 65, imm. 5 pillugu: Allannguutissatut siunnersuut taanna akuerineqarsinnaassaaq imm. 5-imi oqaasertat uku ilanngunneqarpata: Ilinniartitsisunut siunnersuisoqatigiinni</p> |

| | | | |
|--|--|---|---|
| | | <p>pitsaasumik periarfissaannik arsaannginnissaat pingaaruteqarluinnartuu-voq.</p> <p>Tamanna tunngavigalugu § 65, imm. 3 ima allanngortinneqassasoq siunnersuutigineqarpoq: ”Ilinniartitsisunut siunnersuisoqatigiit rektori suleqatigalugu suleriaasissartik aalajangertassavaat.”</p> <p>§ 65, imm. 5 imatut allanngortinneqassasoq aamma siunnersuutigineqarpoq: ”Ilinniartitsisunut siunnersuisoqatigiinni apeqqutit suut saqqummiunneqassanersut ilinniartitsisunut siunnersuisoqatigiit siulittaasuata rektorillu ataatsimoorlutik aalajangertassavaat.”</p> <p>Aamma GL-ip ernummatigaa § 65, imm. 6-ikkut ilinniartitsisunut siunnersuisoqatigiit suliaat pillugit rektorip kisimiilluni aalajangersaasinnaatitaammat . Taamaaliormi atuarfiit ilinniartitsinerit atuartitsinerillu pillugit ataatsimut oqallissinnaanerannik siunertamut naapertuutinngitsumik killilerneqarsinnaalerput.</p> | <p>apeqqutit sorliit qaqineqassanersut rektorip ilinniartitsisunullu siunnersuisoqatigiit ataatsimoorlutik aalajangertassavaat.</p> <p>§ 65, imm. 6 pillugu: Imm. 6-itut siunnersuutigineqartoq peerneqarsinnaasutut nalilerneqarpoq. Suleriaatsimik aalajangiiniarnermi ataatsimiinnernilu ataasiakkaani oqaluuserisassat pillugit rektori immersueqataasarpoq, tamannalu tunngavigalugu aamma rektorip ilinniartitsisunut siunnersuisoqatigiinnut sullissisussat toqqaannanngikkaluamik sunniiffigai.</p> |
|--|--|---|---|

| | | | |
|----|---|--|--|
| | | <p>Taamaammat siunnersuutigineqarpoq § 65, imm. 6 peerneqassasoq ilinniartitsisunullu siunnersuisoqatigiit suliaasa annertussusaannik aalajangiisarneq ataatsimut pisalerluni ilinniartitsisunullu siunnersuisoqatigiit suleriaasiannut ilanngutiinnarluni.</p> | |
| 11 | Kommuneqarfik Sermersooq | Oqaaseqaateqanngillat | |
| 12 | Børne- og Undervisningsministeri et | <p>Børne- og Undervisningsminister-ip Ilinniarnertuunngorniartar- neq pillugu Inatsisartut inatsisissaattut siunnersuummut tusarniaanermi akissuteqarsinnaagami qujassutigaa.</p> <p>Danmarkip ilinniarnertuunngorniartar- neq pillugu nalunaarutaani § 65, imm. 3-mi nassuiarneqarpoq kalaallit ilinniarnertuunngorniaria- nmit qallunaat ilinniarnertuunngorniaria- nmut nuunneq nunat avannarliit ilinniarneq pillugu suleqatigiiffianni isumaqatigiissutinut ilaasoq. Tamanna kalaallinut ilinniarnertuunngorniaria- nmit qallunaat ilinniarnertuunngorniaria- nmut nuuttut ilinniartunut pitsaasuulluni eqaatsumik suleqatigiinneruvoq.</p> | <p>Oqaaseqaat allannguissamut tunngavissiiisimanngilaq.</p> <p>Allannguutissatut taaneqartut atuagarsornikkut piginnaasanik arlaannaatigulluunniit ajoqutaasussaannngitsutut isigineqarput, taamaammat qallunaat ilinniarnertuunngorniaria- nmut nuussinnaanermut periarfissaq ajornerulernaviannngilaq.</p> |

| | | | |
|--|--|--|--|
| | | <p>Børne- og Undervisningsministeriali maluginiaqqussavaa inatsisitigut allannguinerup kalaallit ilinniarnertuunngorniartut qallunaat ilinniarnertuunngorniarki- annut inissinniarnerat pisariunerulersissinnaam- magu. Tamanna Kalaallit Nunaanni ilinniarnertuunngorniarki- nut allatsissimasunut ilinniartunut Danmarkimilu ilinniarnertuunngorniarki- nut nuunniarlutik aaljangertunut tussaaq.</p> <p>Ministeriaqarfiup maluginiaqqussavaa kalaallit ilinniarnertuunngorniartut Danmarkimut ilinniarnertuunngorniarki- nut nuunniartut atuartitaanikkut piginnaasaat tunnngavigalugit qallunaat ilinniarnertuunngorniarki- fiisa nalilersortarmatigit. Taamaammatt inatsisissatut siunnersuummi isiginiarneqartussaq tassaavoq kalaallit ilinniartut qallunaat ilinniarnertuunngorniarki- annut nuunniarunik atuakkatigut piginnaasaannut qanoq sunniuteqassanersoq.</p> <p>Taamaalilluni ministeriaqarfiup oqaaseqaatit uku allareerlugit ilinniarnertuunngorniarki-</p> | |
|--|--|--|--|

| | | | |
|--|--|---|--|
| | | tarneq pillugu inatsimmik atuuttumik inatsisissatut allannguutissat ilalersinnaavai. | |
|--|--|---|--|

Aalajangersakkat ataasiakkaat pillugit oqaaseqaatit

§ 1-imut

Nr. 1-imut

Ilinniarnertup ukiuni pingasuni ingerlanneqartarnissaa Inatsisartut inatsisaanni § 1, imm. 1-imit peerneqarpoq.

Aalajangersakkamut tunuliaqutaasoq siunertaasorlu pillugit nalinginnaasumik nassuiaatit innersuussutigineqarput.

Nr. 2-mut

Aalajangersakkami siunertaq allanngortinneqanngilaq, iluarsineqarsimallunili, tassami inatsimmi atuuttumi §§ 8-9-mi qinnuteqartarnerup allanngortinnissaa siunnersuutigineqarmat.

Taamaalilluni qinnuteqartunut aalajangersimasunut ilinniarnertuunngorniarmimmi ilinniartullu inaanni inissaqartinnissaat Naalakkersuisut qularnaarinissaat suli atuuppoq. § 8, imm. 1 aamma 2 naapertorlugu tiguneqartunut ilinniarnertuunngorniarnermillu aallartitsereersimasunut ilinniarnertuunngorniarmimmi ilinniartullu inaanni inissaqartinnissaannik Naalakkersuisut qulakkeerinninnissaannik aalajangersakkakut pisussaatinneqarput.

”Ilinniarnertuunngorniarnermut isersinnaasut - aamma ilinniartut inaasa amerlassusaat” init ilinniartitsiviusut aamma najugaqarfiusussat pigineqartut amerlassusaannik paasineqartariaqarpoq. Aammali ilinniartitsisussat, ilinniartitsinermi atortussat allallu ilinniartitsinerup naammassineqarsinnaaneranut pisariaqartitat naammattut pissarsiarisariaqarnerinik ilaqarpoq.

Taakku saniatigut Naalakkersuisut anguniassavaat qinnuteqartut misilitsinnerup kingorna angusisut tamarmik ilinniarnertuunngorniarmimmi aallartinnissaannut ilinniarnertuunngorniarmimmi ilinniartullu inaanni inissaqartinnissaat.

Nr. 3-mut

Qinnuteqartut Greenlandic Grading System-skala naapertorlugu 10. klassimi killiffimmi karakterini tamani minnerpaamik E taamaallaat angusimassavaat.

Aalajangersakkamut tunuliaqutaasoq siunertaasorlu pillugit nalinginnaasumik nassuiaatit innersuussutigineqarput.

Nr. 4-mut

Aalajangersakkami imm. 1 naapertorlugu inatsisitigut piumasaqaatit naapertorlugit tiguneqarnissaannut piumasaqaatinik qinnuteqartut naammassinnissimangippata immikkoortoq taanna naapertorlugu immikkut akuerineqarnissaannut tunngatillugu qinnuteqartut rektorimit ingerlaannartumik nalilersorneqartassapput.

Rektorip immikkut akuersissuteqarsinnaanera maannamit periarfissaqarnerulerpoq. Inuit meeqqat atuarfiannik tassungaluunniit assingusumik ukiuni marlunnit sivisunermik atuartinneqarsimasut immikkut akuerineqarlutik ilinnialersinnaapput. Immikkut akuerineqarlutik tiguneqarsinnaapput imm. 1 naapertorlugu karakterinik naammassinnissimanageri apeqqutaatinnagit. Rektori qinnuteqartoq pillugu ataatsimut isiginnilluni naliliissaaq taamaalilluni karakterit kisiisa isiginiarnagit allanik tunngaveqarluni naliliisinnaassalluni.

Taakku saniatigut nutaatut ilanngunneqarpoq qinnuteqartup inaarutaasumik misilitsissummi karakteri E angusimangippagu rektorip immikkut akuersissuteqarfigisinnaasimangisaani karakterinut piumasaqaatinit tamanik immikkut akuersissuteqarsinnaanissaa.

Taamaalilluni rektori eqaannerusumik naliliisinaalissaaq, tassami ukiunik marlunnik piumasaqaammut tunngatillugu immikkut akuersissuteqarsinnaalissammat, pinngitsoorani atuartitsissutini inaarutaanik karakterini karakterinut piumasaqaatinit kiisalu inaarutaasumik misilitsinnermi saqqummiussermi karakterinut immikkut akuersissuteqartoqarsinnaalissalluni. Qinnuteqartup ilinniarnertuunngorniarnerninik naammassinnissinnaanera pillugu rektori ataatsimut piginnaasai nalilersuiffigisinnaalissavai, tassa meeqqat atuarfiannit karakterit pinnagit allanilli tunngaveqarluni nalilersuisinnaalissalluni. Sulinermi anguniarneqarpoq qinnuteqartut ilinniakkaminnik naammassinninnissaminnut atuakkatigut piginnaasaat naammattutut rektorimit nalilerneqartut aallartinnissaannut misilitsittannginnissaat.

Nr. 5-imut

Imm. 1-imut

§ 8, imm. 1 naapertorlugu qinnuteqartut tigusaanissaminnut piumasaqaatinik naammassinninngippata rektorillu nalilerpagu qinnuteqartoq § 8, imm. 2-mi immikkut akuersissuteqarnikkut tiguneqarsinnaanngitsoq qinnuteqartoq misilitsinnissaanik neqeroorfigineqassaaq.

Qinnuteqartut inatsisitigut piumasaqaatikkut, immikkut akuersissuteqarnikkut misilitsinnikkulluunniit qinnuteqaamminni siornatigut krydsilertarpaat. Tamanna taamaakkunnaassaaq, tassami qinnuteqartut § 8, imm. 1 imaluunniit 2 naapertorlugu tiguneqanngitsut misilitsinnissaanik neqeroorfigineqassapput.

Misilitsinneq Naalackersuisunit suliaakkiissutigineqarlunilu nalilerneqassaaq. Tamatuma nassataraa Naalackersuisut suliaassiissutit suliarinissaannut, misilitsinnerit aaqqissuunnissaannut, ingerlannissaannut misilitsinnerillu nalilernissaannut akisussaallutillu ingerlatsisussaammata. Misilitsinnerup qitiusumi suliarineqarlunilu nalilerneqarnissaanut tunngaviuvoq kissaatigineqarmat, qinnuteqartut misilitsikkumasut tamarmik assigiimmik tunngaveqartumik oqartussaasumillu ataatsimit nalilerneqarnissaat.

Misilitsinnermi siunertarineqarpoq takutissallugu misilitsinnikkut § 8-mi ilinniartunngortinneqartutulli eqqanaarneqassasoq qinnuteqartup imatut piginnaasaqartiginissaa ilinniartitsinermit malinnaasinnaassalluni aamma ilinniartitsinermit naammassinninnaassalluni.

Imm. 2-mut

Qinnuteqartut misilitsinnermi angusisut ilinniarnertuunngorniarfimmi inissaqartitsisumi tiguneqassapput. Misilitsinnermik angusisut tamarmik tigusinnaannut inissaqartinneqanngippata rektorip qinnuteqartut kikkut tiguneqassanersut aalajangissavaa.

Aalajangersakkami aalajangersarneqarpoq toqqaaneq pisassasoq rektorip qinnuteqartut ilinniarnertuunngorniarluni ilinniakkamik naammassinninnissamut periarfissaannik tamakkiisumik naliliinera tunuliaqutaralugu. Tamatumani ilaatinneqassapput qinnuteqartup ilinniakkatigut piginnaasai, meeqqat atuarfianni karakterit ilinniartunngorniarlunilu misilitsinnermi angusaasut toqqammavigalugit, aammattaarli pissutsit naapertuuttut allat pingaartinneqarsinnaapput, tamatumunnga ilanngullugit ilinniakkatigut sulinikkullu misilittagaasinnaasut. Ataatsimoortumik naliliisoqarnissaa imaappoq, rektorip qinnuteqartut ataasiakkaat nalilersussagai, piginnaasaasa ataatsimut nalilernerat tunuliaqutaralugu ilutigisaanillu qinnuteqartut ataasiakkaat imminnut naleqqiullugit nalilersussallugit.

Aalajangersakkami naggammi kingullermi qulakkeerneqassaaq qinnuteqartut piumasaqaatinik naammassinnittut sapinngisamik amerlanersaat ilinniarnertuunngorniartinnissaat. Ilinniarnertuunngorniarfimmi inissaqartitsinngippat ilinniarnertuunngorniarfimmi inissaqartitsisuni inissat atorluarneqassapput. Taakku saniatigut qinnuteqartut utaqqisut allattorsimaffiannit tigusisoqarsinnaalissaaq, tassami misilittakkani takuneqarsinnaammat qinnuteqartut ilaqartarmata piffissami akunniliuttumi ilinniarnissaminnik unitsitsiinnartunik, taamaalillutillu qinnuteqartut tamarmik ilinniarnertuunngorniarfinni ilinnialissanatik.

Nr. 6-imut

Semesterit assigiinngitsut maanna taaneqartalissapput semesterit sorliat apeqqutaalluni. Taamaammat siunnersuutigineqarpoq, taaguut “tunngaviusumik ingerlatsineq” ima allanngortinneqassasoq “semesteri siulleq” Inatsisartut inatsisaanni sumi tamani. Aamma tamanna atuappoq immikkoortut qulequtaanni § 18-ip siuliini.

Aalajangersakkamut tunuliaqutaasooq siunertaasorlu pillugit nalinginnaasumik nassuiaatit innersuussutigineqarput

Nr. 7-imut

Aalajangersakkami pineqarput ilinniartup ilinniarnertuunngorniarfimmu sorlermut ilinniartunngortinneqarnissaanut tunngassuteqartut. Aalajangersagaq inatsimmi atuuttumit annerusumik ingerlatitseqqinneruvoq, Inatsisartulli inatsisaannik § 28-mik ataatsimoortitsinerulluni, tassanilu pineqarput ilinniakkamik sammivimmik toqqaasarnermut tunngasut.

Imm. 1-imut

Ilinniarnertuunngorniarfinni assigiinngitsuni ilinniakkanik sammiviit assigiinngitsut immikkut normoqartinneqarput. Qinnuteqaammi ilinniakkap normuanik allannermi ilinniarfik suna ilinniakkamillu sammivik qinnuteqartup kissaatigineraa takuneqarsinnaavoq.

Imm. 2-mut

Qinnuteqartup qinnuteqarnermi nalaani kommunimi najukkami sumiinnera aallaavigalugu ilinniarnertuunngorniarfiani ilinnialersinnaanerat tunngaviuvoq, tassami siunertamut naapertuussorinarmat ilinniartup ilinniarnermi nalaani sumiiffimmu attavini pigiinnarsinnaassagaa, matumanilu ilinniarnermi nalaanni nunaqqatitik atuaqatigisinnaassallugit. Sumiiffimmik taasineq tamatumuunakkut paasineqassaaq kommunerisap killeqarfia. Maannamut atuartunik inissiisarnermi iliuutsit aamma taamatut aallaaveqartinneqarlutik atuutsinneqarput. Taakku saniatigut angalanernut aningaasartuutit appasitsinniarneqarput.

Imm. 3-mut

Immikkoortoq taanna inatsimmi atuuttumi § 11, imm. 3-mi oqaasertaanik ingerlatitseqqinneruvoq.

Aalajangersakkakut Naalakkersuisut, tassa naalakkersuisoqarfiit, aalajangersakkami imm. 2-mik sanioqutitsinissamut periarfissinneqarput.

Siullermik tunngavigineqassaaq inissaqartitsinermut tunngassuteqartut. Inissaqartitsiniarnermik taakkartorneqartut paasineqassapput inigisatigut sinaakkusersuutit, tamatumunnga ilanngullugit ilinniartitsinermi init aamma ilinniartunut inigitittakkat amerlassusaat aammali ilinniartitsisussaqarniarneq. Taamaaliornermi eqqanaarniarneqarsinnaavoq ilinniarnertuunngorniarfiit pisinnaassuseqarnerannik tamakkiisumik iluaquteqarniarsinnaaneq, ilinniarnertuunngorniarfiit ilaat naatsorsuutigineqanngitsumik qinnuteqartukinnerussappata ilaalli naatsorsuutigineqanngitsumittaaq qinnuteqartoqarnerussappata. Aalajangersagaq aammattaaq § 9, imm. 2-mi naggammi kingullermi aalajangersakkamut sanilliullugu isiginiarneqassaaq, tassani aalajangerneqarmat qinnuteqartut rektorip toqqartuereerneratigut

ilinniarnertuunngorniarfimmi ilinniartunngunngitsortut, ilinniarnertuunngorniarfimmi allami inissaqassuseq apeqqutaatillugu ilinniartunngornissamik neqeroorfigineqassasut.

Aappassaattut ilinniartitsissutissanut imaluunniit inunnut tunngassuteqartunik qinnuteqartut akornanni pissuteqartoqarsinnaavoq sanioqqutsisinnaanissamut aallaaviusussanik. Atuakkatigut piginnaasat pingaarnertut akuerineqarsinnaapput. Pisut ilaanni peqqutigineqarsinnaavoq qinnuteqartup ilaqutai amerlanerit kommunimi allami angerlarsimaffeqarnerat, taamaaliornermi qinnuteqartoq qinnuteqarnermi nalaani aallartinnissamilu akornanni piffissami ilaqutai nuulikkersaarsinnaapput assigisaanilluunniit. Immikkorluinnaq ittuni pisuni imaassinnaavoq ilinniartuq angerlarsimaffimmini atuarfimmiluunniit ima ajornartorsiuteqartigisinnaasoq kommunimi najukkami ilinniarnertuunngorniarnerminik naammassinninnissaminut ajornartorsiuteqartorujussuusoq.

Imm. 4-mut

Piffissaliusseq tamanna Inatsisartut inatsisaanni atuuttumi § 28 imm. 6-imik ingerlatitseqqiineruvoq.

Oqaatsimi ”amerlassusii killilerlugit ilinniartut amerlinerat” imatut paasineqassaaq atuarfiup ilinniartorisinnaasaasa amerlassusii annikitsumik qaangerlugit. Sumiiffimmi pissutsit apeqqutaatillugit tassaasinnaapput ilinniartuq ataatsimiit ilinniartunut qulinut.

Imm. 5-imut

Ilinniarnertuunngorniarfimmi ataatsimi inissaqarpat allamullu qinnuteqartorpassuullutik aalajangerneqarsinnaavoq qinnuteqartut 2-mi aalajangerneqartunit allaanermik illoqarfinni, nunaqarfinni sumiiffinniluunniit aalajangersimasuneersut ilinniarnertuunngorniarfimmi allamut qinnuteqartariaqassasut.

Nr. 8-mut

Semesterit assigiinngitsut maanna taaneqartalissapput semesterit sorliat apeqqutaalluni. Taaguut tunngaviusumik ingerlatsineq atorunnaarpoq, taamaammat semesteri sorlermi tunngaviusumik ingerlatsisoqarnerisooq allaqqasariaaruppoq.

Aalajangersakkamut tunuliaqutaasoq siunertaasorlu pillugit nalinginnaasumik nassuiaatit innersuussutigineqarput.

Nr. 9-mut

Aalajangersakkami ilanngunneqarpoq ukiuni marlunni ilinniarnermi ilinniartitsinermi akunnerit qassiussanersut. Akunnerit taakku amerlassusaat ukiuni pingasuni ilinniarnerni ilinniartitsinissamut akunnernit naatsorsuinermeersuupput.

Nr. 10-mut

Ilinniakkat imm. 2 naapertorlugu sivisussusaanik aalajangersimasunik sivisunerit sivikinnerilluunniit atuartitsinermit akunnerit aalajangersimasuusariaqanngillat. Assersuutigalugu ilinniarneq ukioq ataasiuppat ilinniakkamut ukiunut pingasunut naleqqiullugu atuartitsinissamut akunnerit pingajorarterisariaqanngilai. Taamaammat Naalakkersuisut ilinniarfinni akunnerit atuartitsivissat allaanerusut pillugit malittarisassanik aalajangersaasinnaapput.

Nr. 11-mut

Piffissaq ilinniartitsissutigineqartussaq inatsimmi allaqqajunnaarluni, ilikkagassatut pilersaarutini aalajangersarneqarumaarpoq.

Aalajangersakkamut tunuliaqutaasoq siunertaasorlu pillugit nalinginnaasumik nassuiaatit innersuussutigineqarput.

Nr. 12-imut

Semesteri siullermi fagit pinngitsoorani peqataaffigisassat ingerlanneqassapput sulii, tamanna nalunaarummi aalajangersarneqarumaarpoq.

Aalajangersakkamut tunuliaqutaasoq siunertaasorlu pillugit nalinginnaasumik nassuiaatit innersuussutigineqarput.

Nr. 13-imut

Aalajangersakkat atorunnaarnissaannik siunnersuuteqartoqarpoq.

§ 23-p atorunnaarnissaa siunnersuutigineqarpoq, tassami akunnerit atuartitsiviusussat ataatsimoortut § 16-imi nassuiarneqarmata, taamaattumillu inatsimmi nassuiarneqartariaqaratik akunnerit qassit ilinniakkamut sammivimmut ingerlatsinermit atorneqarnissaat.

§ 28-p ilai § 11-mi ingerlateqqinneqarput, tassami aalajangersakkat taakku imminnut qanittuarannguugamik. Nr. 7-imut nassuiaatit innersuussutigineqarput.

Nr. 14-imut

Imm. 1-imut

Ilinniartitsisut atuartitsisannigitsut, ilinniartitsinermulli atuartitsinermulluunniit allatigut attuumassutillit ilaatigut ilinniartitsisusinnaapput sulinerminni ilinniartitsilluni atuartitsinermit aqutsisutut sulisut.

Imm. 2-mut

Ilinniartitsisunut siunnersuisoqatigiit atuartitsissutitut, ilinniartitsinernut allaffissornermulluunniit tunngasunik siunnersuisassasut inatsimmi ersarissarneqarunnaarput. Taamaallaat allaqqavoq ilinniartitsisunut siunnersuisoqatigiit rektorimut siunnersuisassasut. Taamaalilluni siusinnerusukkut tunngatillugu pissutsit assingitut ilaatinneqarsinnaapput.

Imm. 3-mut

Ilinniartitsisunut siunnersuisoqatigiit ukiumut ikinnerpaamik sisamariarlutik ataatsimiittassasut nutaatut aalajangiunneqarpoq. Ilinniartitsisunut siunnersuisoqatigiit ataatsimiittarnissaannik tassuuna qulakkeerniarneqarpoq. Ikinnerpaaliinermi ullumikkut ataatsimiittarnerannit tunngaveqarpoq.

Ingerlateqqinneqartut tassaapput ilinniartitsisunut siunnersuisut namminneq suleriaasissartik aalajangersortassagaat, tassa inissitsiternernut, ataatsimiigiqqusinernut, aalajangiisinnaassusaat, taasinermi malittarisassaat, imaqarniliornerit allallu suleriaatsimi aalajangersarneqartussat namminneq aalajangertassavaat.

Taamaattoq aalajangiunnerpoq inaarutaasumik suleriaasissat rektorimit akuersissutigineqartassasooq. Tamatuma ilanngunnissaa siunnersuutigineqarpoq taamaaliornikkut suleriaatsimik aalajangersaaniarnermi ilinniartitsisunut siunnersuisoqatigiinni isumaqatigiinngissutaalerpat rektori inaarutaasumik akuersisartuunissaa qulakkeerniarneqarluni.

Rektorip akuersisinnaatitaanera aamma aalajangersakkami imm. 6-imut ataneqartillugu isiginiarneqassaaq, tassanilu allaqqavoq ilinniartitsisunut siunnersuisoqatigiit sulinerat ilinniartitsinermi sulinermut ilaasutut isigineqartoq. Taamaalilluni rektorip qulakkeersinnaassavaa suleriaatsimi aalajangersakkat sulisunut aalajangersakkanut naapertuuttut kisimik ilaanissaat.

Imm. 4-mut

Siulittaasumik qinersisarnermut tunngasut ersarinnerusut suleriaatsimi aalajangersarneqassapput.

Imm. 5-imut

Nutaatut ilanngunneqarpoq rektorip ilinniartitsisunut siunnersuisoqatigiinni siulittaasorlu ataatsimoorlutik ilinniartitsisunut siunnersuisoqatigiinnut apeqqutit suut saqqummiunneqassanersut aalajangertarnissaat. Tamanna manna tikillugu Kalaallit Nunaanni ilinniarnertuunngorniarfinni ilinniartitsisunut siunnersuisoqatigiit, ilinniartunut siunnersuisoqatigiit ataatsimullu ataatsimiititaliaat pillugit Kaajallaasitaq nr. 13/92-imi allaqqavoq ilinniartitsisunut siunnersuisoqatigiit siulittaasuata oqaluuserisassat aalajangersortassagai. Rektorilli oqaluuserisassanik aalajangersaaqataasarnissaa siunertamut naapertuunnerusutut isigineqarpoq, tassami ilinniartitsisunut siunnersuisoqatigiit rektorimut siunnersuisartuummata.

Ilinniartitsisunut siunnersuisoqatigiit ataatsimiinnerminni rektorip naliligassarinnngisaanik oqaluuserisaqarusukkunik atuartitsinerup avataani allami ilinniartitsisut oqaluuserisassat taakku suliariniarlugit ataatsimiissinnaapput.

Aalajangersagaq taanna aamma aalajangersakkami imm. 6-imut ataneqartillugu isiginiarneqassaaq, tassanilu allaqqavooq ilinniartitsisunut siunnersuisoqatigiit sulinerat ilinniartitsinermi sulinermut ilaasutat isigineqartoq. Rektorip taamaammat ullormut oqaluuserisassat amerlavallaannginnissaat soqutigisaraa.

Imm. 6-imut

Aalajangersagaq ilinniarnertuunngorniartarneq pillugu inatsimmi § 65, imm. 4-mi atuuttumi ingerlatitseqqiineruvoq.

Aalajangersakkami oqaaseqatigiit siullianni takutinniarneqarpoq ilinniartitsisut tamarmik ukiumut sulinissaminni ilinniartitsisunut siunnersuisoqatigiinnut sulinermut peqataanissaminnut immikkoortitsisimassasut. Tassungali peqatigitillugu oqaaseqatigiit aappaanni aalajangersarneqarpoq sulineq imatut aaqqissuunneqassasoq ilinniartitsisut siunnersuisoqatigiiffianni ilaasortap ilinniartitsineq pilersaaruserfigineqareersimasooq sapinngisamik ingerlatissagaa. Tassa ilinniartitsisut siunnersuisoqatigiiffianni sulineq imatut aaqqissuunniarneqartariaqarpoq siunnersuisoqatigiinni ilaasortat amerlanerpaat ilinniartitsinerup pilersaaruserfigineqareersimasup avataani peqataatissinnaalersillugit.

Imm. 7-imut

Aalajangersagaq ilinniarnertuunngorniartarneq pillugu inatsimmi § 65, imm. 5-imi atuuttumi ingerlatitseqqiineruvoq.

Pisinnaatitsinermut aalajangersagaq ilinniartitsisut siunnersuisoqatigiiffianni ingerlatsineq pillugu sinaakkutaasunik aalajangersaanikkut atorneqassaaq.

Aalajangersagaq nr.13/92 ilinniartitsisut ataatsimiittartui, ilinniartut ataatsimiittartui, ataatsimoorussamillu ataatsimiititaliaq pillugu Kalaallit Nunaanni ilinniarnertuunngorniartarneq tunngasoq ilinniartitsisut ataatsimiittartuisa atugarisaannut naleqqussarpaa. Taannali aalajangersagaq atorunnaarnissaa ilimanaateqarpoq, aalajangersakkat arlaqartut matumani inatsisaasunut naapertuukkunnaarmata.

§ 2-mut

Imm. 1-imut

Siunnersuutigineqarpoq Inatsisartut inatsisaat ulloq 1. januar 2021 atortuulissaaq, kisiannili aalajangersakkat siunnersuutigineqartut ilaat aatsaat atortuulissallutik ulloq 1. august 2021.

Aalajangersakkat siunnersuutigineqartut 1. august 2021 atortuulertussatut imaqarput tunngaviusumik ingerlatsisarnerit 1. semesterimoortut allannguutaannik (§ 1, nr. 6 aamma 8), nal. akunnerit (§ 1, nr. 9, aamma 10, 11) aamma ilinniartitsisut siunnersuisoqatigiivi (§ 1, nr. 14). Pissusissamisoortinneqarpoq ukiup ilinniarfiup nutaap allartinneraniit atortuulertussatut.